

Ruhanga W'Obusingye Obu Obubi

Jeffersonville, Indiana USA

Olkwamunaana 1, 1965

- 1 -Omur.
- 2 . . . nibibaasika, ikiriza kwonka;
Ikiriza kwonka, ikiriza kwonka
Byona nibibaasika, ikiriza kwonka.

Ka twinikye emitwe yaitu. Tataitwe Omukundwa ow'omu Iguru, nitusiima akasheeshe aka ahabw'okuba nitubaasa kwikiriza. Kibaasikire ahabw'Eshagama y'Omwana Waawe eyaaseesirwe, Yesu, ngu tube abakwataniiise omu mbabazi Ze; kandi tuhindukye batabani na bahara ba Ruhanga, okurabira omu kworobera okufa Kwe kw'aha musharaba, ngu twihweho orubanja ahabw'Okumwikiriza n'okuzooka Kwe, mbwenu hati Omwoyo Orikwera ashukirwe omu mitima yaitu.

Nitusiima ahabw'omugisha ogu okwija hanu akasheeshe aka kukwatanisa omu biteekateeko byaitu n'okuramya kwaitu, nitukyorekyera omu byeshongoro, obujurizi, okushoma Zaaburi, okushoma Ekigambo Kyawe, kandi n'okurindirira Omwoyo Orikwera tutarikuzaana kutureetera Obutumwa obwateirweho ahabw'obwire obu. Kitukorere, Mukama. Ka tugasirwe ahabw'okuba hanu eriizooba. Kandi ku turaarugye omu kyombeko eki, ka tugambe nk'abaabaire nibaruga Emau tuti, "Emitima yaitu tiyaashashaanuka obu Yaaba Naagamba naitwe akasheeshe aka?" Tukorere ebintu ebi, Ai Ruhanga Otahwaho, omu Iziina rya Yesu Kristo. Amiina.

Mushutame.

Muraire gye, banywani, aha, hanu omuri tabirinaakuru kandi n'ahari banywani baitu omu ihanga ryona, okurugira kimwe aha Nyambukiro y'Oburengyerwa-izooba, akasheeshe aka omurundi ogundi, kuhika aha Nyambukiro y'Oburugwa-izooba, kandi n'obukiizi-bwa-bumosho hamwe n'obukiizi-bwa-buryo, abu turikuhurizana aha masimu.

N'eizooba rirungi hanu omuri Indiana, kakyeho, hariho ebicu bikye, nihafuka, ni harungi munonga. Tabirinaakuru ejewire, n'aheero omu kibuga n'okwetooroora ebisiika. Twine ekihika kihango ngu Mukama naija kututaayaayira eriizooba. Kandi twine amatsiko ngu Ruhanga abahaire eizooba rirungi ahu muri hoona. Kandi n'eizooba rirungi, ahakuba Ruhanga arituhaire. N'obu embeera y'obwire yaakuba eri eta, n'eizooba rirungi. Tushemereirwe kuba hanu, nabwo tushemereirwe ngu twine omugisha kworeka ensi okwikiriza kwaitu omuri Yesu Kristo. Mbwenu nitwenda kukozesa buri mugisha gwona ogu turikubaasa kukozesa kugamba ahari rukundo Ye kandi n'ebi Atukoreire. Eriizooba turi . . .

3 Naaheebwa, akaanya kakye akaahingura, e-ekirango ky'okuranga, reero bwanyima nyine ebintu bikye hanu ebi ndikwenda kugamba. Kandi kimwe aharibyo, naahairwe ekirango ekirikukwata aha kakiiko k'abeebembezi ekiro kiriya. Kandi hariho omudiikoni omwe w'ekanisa ofurukiire Arizona, ogwo n'Ow'eishe-emwe Collins, ow'eishe-emwe waitu omukundwa. Mbwenu obwire obu araabe atariho, bo, akakiiko, katooraine Ow'eishe-emwe Charlie Cox kuza omu mwanya gwe obwire obu araabe atariho. Kandi Ow'eishe-emwe Charlie Cox ababiiki bamutooraine omu butongore . . . nimmanyisa akakiiko k'abadiikoni b'ekanisa egi, kuza omu mwanya gw'Ow'eishe-emwe Collins, yaaba atariho.

4 Kandi ekintu eki ndikwenda kugamba, omurundi ogundi, niinyenda kusiima imwe mwena abantu, 'habw'okuba bamwe omuriimwe nimubaasa kutaaha saaviisi y'okutambirwa etakabaireho ekiro eki, ahabw'ebiconco bikye birungi, ebirikworeka rukundo. Tureeteirwe eby'okurya bingi okwiha obu tuhika aha. N'ahabw'ekyo nyowe n'omukazi wangye, n'eka yangye, buzima ekyo nitukisiima. Obumwe n'obumwe nyebwa nangwa n'okugira ekintu kyona eki naakigambaho. Ngira emirimo mingi munonga, nimumanya. Ebiteekateeko byangye nibiba nibyetooroora munonga obwire bwona. Nimubaasa kuteekateeka oku kiri, abantu, batarikuruga hanu aha omu kanisa egi honka, kureka n'okuruga omu nsi yoona. Mwareeba? Reero ekyo kiba nk'ekyakugumya omu mbeera nanka obwire bwona.

Hariho omuntu obaire naagamba aha kumurika abeereere, na zaasaaviisi z'okubatiza, n'ebindi. Ekyo ni kirungi munonga. Nkaayenzire kukikora, beitu nikiteganisa munonga, ni-nikingumira kutunga obwire. Nintekwa kugumya ebiteekateeko byangye ahari eki, Obutumwa obu. Nimumanya Baiburi ekagambira entumwa, nari, . . . Entumwa, nimmanyisa, omuri Baiburi, zikagira ziti, "Mugyende, mwetooranemu, omuriimwe, abashaija abarikusimwa, abeesigwa kandi abaijwire Omwoyo Orikwera, nikwo bakore emirimo egyo." Mbwenu naagambiire Billy . . .

Yaagira ati, "Taata, nooza kumurika ogwo mwana obwire obu?"

Naagira nti, "Oo, mugyenzi!" Mwareeba? Ku . . . Twine baingi abategyereize kumurikwa, kandi ekyo kihikire, niinyija kugaruka kandi ngireho eizooba ry'omutaano ahabw'okumurika abeereere. N'ahabw'ekyo nkaayenzire ekyo kukikora, hati.

5 Kwonka nitwenda kusiima buri omwe omuriimwe twihire aha mitima yaitu; nyowe, omukyara, n'eka yaitu. Abantu batureeteire eby'okurya by'omu mikyebe, ebihimba by'enyakibisi, amoozi ga meloni, ebyozi, oo, enkyereere. Ekintu kyona ekibaasikire, bakireetsire.

Ow'eishe-emwe omukundwa n'ow'eshe-emwekazi we, ekiro kiri, bakatureetera senkoko mpango munonga. Ninkigiraho na hati. N'ahabw'ekyo . . . Oo, kandi niinyija kubanza naagimara ntakagyenzire, ninteebereza. N'ahabw'ekyo ku ndaabe ntagimazire, omukyara naija kugitwara tuyaende nayo. N'ahabw'ekyo-n'ahabw'ekyo nituza . . . Buzima nitusiima ahaw'bintu ebi. Nimmanya baingi aha bantu abo; abandi tindikubamanya. Nibaza kuba bashutami omu rubaraza ku turaabe nitutaahamu. N'ahabw'ekyo ninkisiima buzima.

Kandi baingi nimbamanya. Ntungire . . . Ndeebire baingi, kandi hariho baingi abu ntareeba. Ni-nimpamya ngu buri muntu naayetegyereza ngu nka-nkaayenzire kuhika ahari buri omwe kuri nimbaasa, kwonka ndi omwe nyamunegyere. Mwareeba? Ku . . . tindikubaasa kuhika ahari buri omwe. Ninkora buri kimwe nk'oku ndikubaasa kukikora.

6 N'ahabw'ekyo, Ruhanga agume naimwe. Nimpamya ngu hariho Omwe orikwija kuguma naimwe; ogwo ni Yesu Kristo, kandi Naabaasa kuguma naimwe. Niwe Muntu wenka ori hoona hoona obwire bwona. Kandi nabwo N'ow'obushoborozi bwona, n'ahabw'ekyo Naabaasa kumara obukyene bwona. Kandi amanya byona, nabwo, n'ahabw'ekyo amanya obukyene bwanyu, ebi mukyenire.

Nindagiira buri omwe ou ntara . . . Mbaire ninkora n'obwira nk'oku ndikubaasa, okwiha obu mpika hanu akasheeshe aka, kandi ninza kuhika ahari buri omwe ou ndikubaasa kuhikaho. Kandi ku . . . Eki ndashobye, Ruhanga ow'obushoborozi bwona naija-naija kumara obukyene bwanyu bwona nk'obutungi bw'ekitiinisa Kye oku buri.

[Ow'eishe-emwe Branham yaahunamaho kakye, bwanyima yaagamba n'Ow'eishe-emwe Neville -Omur.] Ekyo tindikubaasa kukireeba kurungi. Noobaasa Kukishoma?

N'ekirango ky'omutaano ky'omuringo nanka. Kandi nintekateeka Billy Paul naateekwa kuba niwe akihandiikire. N'ahabw'ekyo ari nkaanye; tindikubaasa nangwa n'okushoma omukono gwangye. N'ahabw'ekyo nyine oku mpandiika omu bufunze ahawwangye nyenka. Kandi ku mwakureeba bimwe aha bihandiiko byangye hanu, ebihandiikirwe hanu, nimuteekateeka ngu mukabyetegyereza? [Ow'eishe-mwe Branham yaayoreka abateeraine ebihandiiko bye, reero we nabo baasheka -Omur.] Nyine ekirikushushana enyonyoozi, neeyambuka orutindo, n'ebindi, byona . . .

[Ow'eishe-emwe Neville yaashoma ekirango -Omur.]

Ow'eishe-emwe Adair, Adair owa Arkansas, areebe Rev. Pearry Green enyima y'ekanisa ahonaaho. Nikyo ekyo.

7 Hati, n'ahabw'ekyo ekindi kintu eki ndikwenda-ndikwenda kuranga hanu ni-ni ngu, ekiro eki hati ahawwa saaviisi z'okutambirwa. Nituza kushabira abarwaire ekiro eki, n'ahabw'ekyo ni-niinyesiga ngu nimuza kuba muri hanu.

Kandi nitwohereza endamutsyo aha bantu boona okwo omu ihanga ryona, omu Iziina rya Mukama Yesu, ngu Ruhanga naija kubaha omugisha akasheeshe aka. Bamwe ahariimwe buri haihi kuhika omu ihangwe. Eruguru omuri New York, ni haihi omu ihangwe. Kandi okwo omuri Arizona, Enyambukiro y'Oburengyerwa-izooba, ni nka shaaha emwe. N'ahabw'ekyo hariho . . . Kandi hanu turi ahagati honyini. N'ahabw'ekyo Ruhanga abahe omugisha mwaba muhurikiize. Hati eki nikibaasa ku . . .

Newiremu omu mutima gwangye, obwire obu turaabe turi hanu . . .

8 Kandi titwikiriziibwe kupangisa ekishengye rutaaba ky'okuteeraniram, reero aha muheru baashusha nk'abaatuha orusa; ngu tugireho saaviisi emwe, kwonka ngu tutashabira omurwaire weena. Ti-tindi . . . Obwo nibwo buheereza bwangye. Nintekwa kukora eki Omwoyo Orikwera arangambire kukora. N'ahabw'ekyo naakyangire, ahaw'bokuba niinyenda kuba ow'obugabe kukora kyona eki Omwoyo Orikwera arangambire kukora. Mwareeba? N'ahabw'ekyo naateekateekire ngu nitubaasa kugumisiriza ekindi kiro kimwe, oku biri kwona, omuri tabirinaakuru. Kandi akasheeshe aka nihafuka. Mukama atuhaire ekiro kirungi hanu, n'ahabw'ekyo nitusiima.

9 Hati, omu kukora eki, nyizire hanu ahawb'ekignydererwa ky'okwegyesa Enyabya z'aha muheru, Enyabya Mushanju z'aha muheru, n'Enzamba Mushanju z'aha muheru, hamwe n'Ebirikuhindu Mushanju by'aha muheru, by'omu Kitabo ky'Okushuururwa, kubibohera hamwe omu bwire obu obu tutwiremu hati; kukuratira okubambuurwa kw'Obumanyiso Mushanju, Obusingye Mushanju bw'Ekanisa. N'ahabw'ekyo, titutungire omwanya gw'okukoreramu ekyo. N'ahabw'ekyo nyi-nyine amatsiko ngu, ahonaaho ku ndaabaaase, nituza . . . ku turaatungye omwanya ogurikumara ahawb'ekyo, yaaba hanu nari omuri Louisville, New Albany, nari okuteera eihema, nikwo tubaase kumaraho obwire bwona obu Mukama araawebembere kumaraho.

Kwonka omuri eki hati, ntwaire omugisha ogu kugambira abantu enyikiriza yangye n'okwikiriza omuri Ruhanga, reero bwanyima mbareete omu bwire obu tutwiremu. Kandi omuri eki, tikiine omuntu weena ou

kigyendereire, enyikiriza, nari eki kyakuba kiri kyona; ni nk'oku ndikureeba Ekigambo kya Ruhanga. Kandi Sande ehæreukire tukatunga okushukwaho kurungi munonga kw'Omwoyo aha Kigambo. Rikaba riraingwa munonga, kandi niinyanga kumaraho obwo bwire buraingwa; beitu nabwo titurikumanya obwire obu turaije kubugana omurundi gwaitu gw'aha muheru. Mbwenu nituteekwa, nk'oku . . . turikwenda kuba. Niinyenda kuba, nimmanyisa, nk'oku Paulo owa ira yaagambire ati, "Tindatiinire kubagambira Naama yoona eya Ruhanga." Yesu akagira ngu Tarasherekire ekintu kyona abeegi Be.

Kandi naanye, obwo nindabanamu ninkora oku n'oku ningyezaho kuguma ahansi y'okushukwaho kw'Omwoyo Orikwera, kumanya o-obwire, n'Obutumwa bw'obwire obu eki buri, obumwe n'obumwe ndemwa kushohora aheeru kukora emirimo yangye nk'omuhuuku wa Kristo, nk'omuheereza. Kwonka nyine abashaija baangi abarikugyezaho kumpwera kukora eki, ekyo ninkisiima, ab'eishe-emwe bagyenzi bangye boona abaheereza.

10 Hati, tindikumanyisa kugyezaho kugumya hanu abantu. Kuri imwe, ebiso okwo omu ihanga ei Obutumwa obu burukuhika, nimubaasa kwemerera haza mukareeba okwetooroora ekanisa egi akasheeshe aka, omu tuhanda tw'ahagati y'entebe, omu bishengye by'abeereere, aheeru, bataireho zaarediyo, omuri zaabaasi, zaatureera, n'ebindi, hamwe n'emotoka, mukaareebire oburemeezi ahi buri. Kandi omuri buri saaviisi, baangi, baangi nibarabaho nibavuga; kandi nibateera esimu, n'ebindi, tibarikubaasa kutaahamu, aba haihi hanu. N'ahabw'ekyo nitwetenga omwanya muhango nikwo abantu babaase kushutama kandi babe kurungi.

Reero bwanyima kureeta O-Obutumwa obu ndikuteekateeka ngu ni bukuru munonga, niinyehuriramu ngu kitushemereire, buri omwe, kuba nitwehurira kurungi kandi tushutami, nikwo tubaase kuhurikiza; twine ekaramu zaitu n'empapura, n'ebihandiiko na Baiburi, n'ebindi, kuhandiika e-ebihandiiko. Kwonka omu muringo ogu nteekateekire ngu ninza kugaruka enyima aha bwire obu twine, obu tutwiremu, reero ngyezeho kureeta bimwe aha bintu ebi ebi murikuza kubugana. Kandi nimuza kubyetenga.

11 Kuri niinyija hanu eriizooba, nari erindi izooba ryona, nari ondijo muheereza weena, kugyezaho kureetera abantu obutumwa, abantu abarikuwa nkaitwe, kandi n'obwire bwiriire haihi munonga, nk'oku ndikwikiriza ahawb'ebiro ebi; nkaaba ndi endyarya kugyezaho kureeta ekintu eki ndikumanya ngu nimuza kushemerererwa haza kunu kirikuhakanisa Ekigambo kya Ruhanga, nari ekintu ekirikureeta omutwe gw'abantu, nari-nari ekintu ekiri nk'ekyo; ti-tinkaaba . . . tinkaaba eki ndi-ndi hanu kuba, omuheereza wa Kristo. Niinyenda kureeta ekintu eki ndikuteekateeka ngu n'eky'omugasho mwinci ahariimwe, kutari kufa kureebwa; kureka okuteekateeka ku n'ekintu ekiri ngu kuri ninfa eriizooba, nyencakare kibe kihamire omu mitima yaanyu kugumizamu nimuheereza Ruhanga.

12 Hati niinyenda kugamba ngu hariho ekintu ekiri haihi kubaho. Ninkimanya. Baangi omuriimwe nimwijuka obu Ow'eishe-emwe Junior Jackson ampikaho enshumi nkye ntakagiire Arizona, ahawb'ekirooto eki yaatungire. Ekintu ky'omutaano! Ni bangahi abarikukijuku? [Abateeraine baagira batu, "Amiina." -Omur.] Kandi Mukama akatuha enshoboorora yaakyo, kandi kyahikiirira kyarimwe. Hati, atungire ekindi kirooto, ekindi kintu.

Kandi ekintu ky'omutaano, omushaija abaire ari hanu ekiro kiri, kuruga Oregon. Haihi tarikuumanya, kandi abaire . . . akaroota ekirooto nikyo kimwe, nk'eki Junior Jackson yaarootsire, reero-reero yaija yangambira. Ti-tindikumanya amakuru gaakyo; ntegyereize Mukama. Kwonka nimmanya ngu nikiza kuba ekintu ekirikuruga ahari Ruhanga. Ekyo mukijukye. Ni OKU NIKWO MUKAMA ARIKUGIRA. N'ekintu ekirikwija kuruga ahari Ruhanga. Tindikumanya eki kiri. Ni kikuru buzima, ni kikuru munonga! Buzima, okurugiirira aha-aha birooto ebi abashaija bombi . . . Omwe aharibo nka . . . naabaasa kuba ari Omubaputisiti, Omupuresbateeri. Na-naabaasa kuba ashutami hanu akasheeshe aka. Tindikumanya. Abaire ari hanu ekiro kiri. Omushaija ogwo tindikumumanya.

Kwonka akarootorora ekyo kirooto, aine amarira omu maisho ge. Kandi kikamutetemesa. Arugire Oregon okwo yoona yaahika hanu, kukirootorora. Ow'eishe-emwe Jackson aizire omu muringo nigwo gumwe, akasheeshe aka. Omushaija omwe atarikumanya ondijo; omwe, mahiro enkumi n'enkumi kuruga aha ndijo, kandi ekirooto byombi bikwatsire aha kintu nikyo kimwe buzima. N'ahabw'ekyo Omwoyo Orikwera akinsherekire enshoboorora yaabyo. Tindikumanya eky'okugambira ogwo mushaija. Kwonka nimmanya Ruhanga ari haihi kukora ekintu, kandi nikija kuba eky'ekitiinisa omu maisho gaitu.

13 Hati, Obutumwa akasheeshe aka, niinyenda kushoma omu Kitabo ky'Abagalatia. Tindikubuurira nari ku . . . N'eishomo rya Sande sikuulu. Kandi hati, imwe abashaija n'abakazi abeemereire haihi n'ebisiika, kandi omuntu nanka ku yaakuba naayenda kuhingaana kandi akakwiriza kushutamaho akaanya kakye, nari ekindi kintu, hati, timurikwija kunteganisa; mukikore n'obucureezi. Kandi abakazi abazaire, abaana bato baabo ku baraarie nari ekindi kintu, nihaija kugira omuntu owaaruga omu kishengye ky'abaana bato nikwo babaase kutunga omwanya gw'omwana muto ogwo.

Kandi hati mukwate ekaraamu zaanyu, Baiburi, reero mweteekateekye kuhandiika bimwe aha Byahandiikirwe ebi turaije kushoma. Tindikwenda ngu muhurile mukomirwe. Niinyenda ngu muhurile-niinyenda ngu muhurile mwine obugabe kushutama n'okwega. Kandi nimubaasa kuhakanisa, ekyo tikiine nshonga. Kwonka eki ninkigambira eihanga ryona akasheeshe aka, kugira ngu abantu abakiriize Obutumwa obu Mukama Yesu ampare ahawb'obwire obu, babaase kumanya ebirikubaho, hamwe n'okubita omu Byahandiikirwe.

14 Sande ehæreukire tukagamba aha Bashukirweho Amajuta Omu Bwire Bw'aha Muheru. Kandi imwe, omuntu

weena omuriimwe, ku muraabe muri abarikuhurikiza entambi z'amaraka, buzima mutungye orutambi rw'amaraka orwo. Tikugira ngu nitwenda kuguza entambi z'amaraka; ekyo tikyo kigyendererwa. Ekigyendererwa n'okureeta Obutumwa. Mwareeba? Mwareeba? Ku oraabe oine rediyo erikuteera entambi z'amaraka, shorooreza hamwe ekibiina ky'abantu, reero oruteho, haza muhurikize muiteireho omutima. "Abashukirweho amajuta."

Nimuhurira abantu nibaimuka kandi nibagira bati, "Oo, Baiburi neegira ngu, 'Ebiro by'aha muheru, baanabi b'ebishuba baryaimuka kandi bakore obumanyiso obu," Ekyo n'Ekyahandiikirwe buzima. Kwonka ekyo nikikozesibwa nkahi? Nikiteekwa kukozesibwa kurungi.

Ekiro eki niinyenda kugamba ahari, Mukama ku araakunde, ahari: Ruhanga Ashuurwirwe omu Kigambo Kye, nk'oku eriisho ritarikubaasa kuza ahu okutu kushemereire kuba. Mwareeba? Ni nk'okuhandiika Baiburi yoona, kandi, omuri Baiburi yoona, nihooreka Yesu Kristo. N'ahabw'ekyo niinyenda kugamba ahari ekyo ekiro eki, Mukama ku araakunde. Kandi hati, kyaba kitabaireho, ekindi kiro ky'omu maisho.

15 Hati omu Kitabo ky'Abagalatia. Kandi omu Kitabo ky'Abakorinso kya Kabiri 4:1 okuhitsya aha gwa 6, bwanyima Abagalatia 1:1 okuhitsya aha gwa 4, niinyenda kushoma Ebyahandiikirwe. Hati omu Bagalatia 1:1 okuhitsya aha gwa 4, "Paulo, entumwa," yetegyereze okwemereza ahonaaho. Entumwa nikimanyisa "ogwo otumirwe," nari, "omumiishani."

Paulo entumwa, (etaratumirwe bantu, kandi etareetsirwe muntu, kureka . . . Yesu Kristo na Ruhanga Ishe owaamuzoire omu bafu,)

Nyowe n'ab'eishe-emwe boona abu nyine twabahandiikira imwe ab'amakanisa g'omuri Galatia.

Nimbendeza embabazi n'obusingye ebirikuruga ahari Ruhanga Isheboona na Mukama waitu Yesu Kristo,

Owaayehaireyo ahaw'bibibi byaitu, ngu atujune omu busingye obubi oburiho, nka Ruhanga waitu . . . kandi Tataitwe oku asiima;

Aheebwe ekitiinisa ebiro n'ebiro. Amiina.

16 Hati omu Kitabo ky'Abakorinso kya Kabiri, eshuura ya 4, kandi twaza kushoma kuruga aha mushororongo gwa 1, kuhika aha gwa 6.

N'ahabw'ekyo, nk'oku tuhairwe obuheereza obu ahaw'bembabazi za Ruhanga, titurikhwa matsiko.

Tukanga eby'enshoni ebirikukorerwa omu mwirima, titurikugyendera omu bugobya, n'obu kwakuba okuhindura okundi ekigambo kya Ruhanga; kureka tworeka amazima, ngu omuntu weena atusiiimise omutima omu maisho ga Ruhanga.

Kwonka engiri ei tugamba ku eraabe etwekyereirwe, etwekyereirwe aha barikuwerekyerera;

Ekyo ku kiraabe kitarikworeka okushoroorwa ira, tindikumanya ekirikukworeka.

Nibo batarikwikiriza: abu ruhanga ow'ensi egi yaahumize emitima, ngu omushana gw'engiri y'ekitiinisa kya Kristo, niwe kishushani kya Ruhanga, gutabaakira.

Nk'oku kyabaire omu kibanja kya Edeni, "Yaabaihamu, ngu batakwata aha Muti ogwo."

Mumanye ngu titurikwegambaho nk'abakama, kureka nitugamba Yesu Kristo ku niwe Mukama, . . . itwe turi abahuuku baanyu ahabwa Kristo.

Ahakuba Ruhanga, owaaragiire ati: Omushana gujwe omu mwirima, Ogwo niwe yaajwire omu mitima yaitu kutuha okushoborokyerwa ekitiinisa kya Ruhanga ekirikureeberwa omuri Yesu Kristo.

17 Amiina! Nikwo Ekigambo kyagamba! Hati, eishomo ryangye akasheeshe aka, ni: Ruhanga w'Obusingye Obu Obubi. Nk'oku twashoma omu Byahandiikirwe, "ruhanga w'ensi egi, w'obusingye obu obubi." Hati, Obutumwa obu nibworeka ebibi by'obusingye obu obubi, kandi bushorongire n'obunabi bw'obusingye obu obubi.

Kandi niinyikiriza ngu buri . . . ngu Baiburi eine eky'okugarukamu kyona ahabwa buri busingye, kikahandiikwa kare omuri Baiburi, ahaw'bomwikeriza w'obusingye obwo. Niinyikiriza ngu buri kintu ekiturikwetenga kihandiikirwe hanu Hanu, nikyetenga kushoboororwa Omwoyo Orikwera kwonka. Tindikwikiriza ngu omuntu weena omu nsi aine obugabe bw'okushoboorora Ekigambo nk'oku arikweyendera. Ruhanga tarikwetenga omuntu weena kushoboorora Ekigambo Kye. Niwe Orikweshoboororera. Akagira ngu Aryakikora, kandi Akikora.

Nk'oku ngambire emirundi mingi. Akagira ati, "Omwishiki oshugaine aryagira enda," Akagamba ekyo kurabira omu kanwa ka nabi, kandi akagira enda. Tihaine omuntu weena oshemereire kushoboorora ekyo. Omu kutandika, Akagira ati, "Habeho omushana," kandi gwabaho. Tihaine omuntu weena oshemereire Kukishoboorora. Akagira ati, "Omu biro by'aha muheru, Aryashuka Omwoyo We aha bantu boona," kandi Yaakikora. Tikirikwetenga ow'Okukishoboorora weena. Akagira ati, "Omu biro by'aha muheru, ebintu ebi,"

ebiturikureeba nibibaho hati, birtyaba biri hanu. Tikirikwetenga okushoboororwa na kakye. Kikaheza kushoboororwa. Mwareeba?

18 Hati, mwetegyereze mutaireho omutima hati obwo turiyo nitwega Ekigambo. Ruhanga w'Obusingye Obu Obubi, obu tutwiremu hati. Nikibaasa kureebeka nk'eky'omutaano, ekintu ky'omutaano munonga, omu busingye obu bw'embabazi, obu, "Ruhanga arikwhayo abantu ahabw'Eiziina Rye," ogwo n'Omugore We, omu busingye obu obubi obushemereire kwetwa obusingye obusiisikaire. Obusingye bwonyini obu "Ruhanga arikweteramu abantu ahabw'Eiziina Rye," ahabw'embabazi, kurugayo, kandi nibwetwa obusingye obubi. Hati, nituza kukihanya nitukoresa Baiburi ku obu nibwo busingye obu Yaabaire naagambaho. Ekyo n'ekintu ky'omutaano munonga kukiteekateekaho, ngu omu busingye obubi nk'obu, ngu Ruhanga naabaasa kuba naayeta Omugore We.

Mwayetegyereize, Akagira ati, "abantu," atari "ekanisa." Ahabw'enki? Kandi nabwo, Neeyetwa Ekanisa, kwonka Akaba naaza kweta "abantu." Hati, ekanisa n'okuteeranira hamwe kw'abantu abatarikushushana, kwonka Ruhanga naayeta Omwe hanu. Taragizire ati, "Ndyayeta Abametsodisiti, Ababaputisiti, Abapentekoote." Akagira ngu Aryayeta abantu. Ahabw'enshonga eha? Eiziina Rye. Mwareeba, abantu; omwe kuruga omu Bametsodisiti, omwe kuruga omu Babaputisiti, omwe kuruga omu Baluteeri, omwe kuruga omu Bakatoriki. Mwareeba?

Kwonka Naayeta, kitari ekibiina ky'ekanisa, kureka "abantu habw'Eiziina Rye," abarikwakiira Eiziina Rye, abagambirwe obugyenyi omu Iziina Rye, nibaza aha bugyenyi kuhingirwa ahari Kristo, kuba ekicweka Kye, okurabira omu kutooranwa ira batakabaireho. Nk'omushaija orikutoorana omukazi ohikire omu magara, naaba yaatoorainwe kuba ekicweka ky'omubiri gwe. N'ahabw'ekyo, ekyo nikimanyisa ngu, Omugore wa Kristo naija kuba, kandi nikyo ari hati, okwiha ira akatooranwa Ruhanga kuba ekicweka ky'Omubiri ogwo. Mwareeba? Oo, Ebyahandiikirwe bijjwiremu eby'obuguzi bwingi, bijjwiremu obwoki!

19 Yetegyereze, kitari eki omuntu nanka agambire, eki omuntu nanka ayetsire; kureka n'abo abu Ruhanga yaatooraine omusingye gw'ensi gutakatairweho, kandi naayeta abantu aba omu biro by'aha muheru; kitari kibiina ky'ediini. "Abantu ahabw'Eiziina Rye." Kandi obusingye obu obubi nibwo Arikukikora, obusingye obu bwonyine bw'okuhabisa.

Saabiiiti ehweire, omuri Matayo 24, nibwo bwabaire buri obusingye oburikukirirayo kimwe kuhabisa omu busingye bwona. Obusingye bwona bw'okuhabisa, okuruga omu kibanja kya Edeni, n'okugumizamu, tihakabahoga obusingye oburikuhabisa munonga nk'obusingye obu. "Baanabi b'ebishuba baryaimuka kandi baryakora obumanyiso n'ebi'okutangaaza, babone kuhabisa n'Entoore kyaba nikibaasika." Mwareeba? Hati, amakanisa agarikufuka, ag'emikoro, agagangaire, n'ebindi, ag'enyegyesa ezigunzirwe abantu, ago tigarikubaasa; Entoore tizirikubaasa na kakye kuta omutima ahari ago. Kwonka n'ag'ahaiguru aho gari haihi kushushana n'ekintu ky'amazima. Kwihamo Ekigambo kimwe kyonka nikyo orikuteekwa kukora. Kikaraganisibwa obusingye obu; obwire bukuru munonga! Bakristaayo 'mwe, hoonahoona ahu muri, mwerinde obwire obututwiremu! Muhandiikye, kandi mushome, kandi muhurikize kurungi.

20 Ruhanga naayetera ki abantu omu busingye obu obubi, ahabw'Eiziina Rye? Enshonga erikutuma yaamweta, n'Okumugyeza, Omugore We. N'oku . . . Omugore ku araaheze kushuururwa, agyeziibwe, ahamiibwe, akahamibwa ahari Sitaane. Nk'oku kyabaire omu kutandika, nikwo kiriba aha muheru.

Nk'oku embibo etandika omu itaka, ekakura neerabira omu beekorezi, amagara gaayo, kwonka ehereeruka eri embibo niyo emwe nk'oku yaabaire eri obu yaaza omu itaka.

Kandi omuringo nigwo gumwe ogu embibo y'okuhabisa yaagwire omu itaka, omuri Edeni, nigwo muringo ogu erihereerukiramu omu biro by'aha muheru.

Nk'oku Engiri yaabaire eri obu yaagwa omu kigombe ky'ediini ahari Niika, Rooma, neehereerukira omu kibiina ky'ediini ky'omutindo gw'ahaiguru.

Nk'oku Embibo y'Ekanisa yaagwire enyima okwo, n'obumanyiso, n'ebi'okutangaaza, hamwe na Kristo ohuriire omuribo, neehereerukira omu bwire bw'aha muheru ahansi y'obuheereza bwa Malaki 4, n'okugarura ogundi omurundi Okwikiriza okwabandize okwahairwe rimwe kikahwa.

21 Nitureeba hati, obusingye obu obubi, n'okworeka Sitaane, ngu Omugore tari nka Haawa, ngu Tari omukazi w'omuringo ogwo. Kandi Naija kugyezibwa n'Ekigambo Kye, Omugore, nk'oku omugore wa Adamu yaagyeziibwe n'Ekigambo. Kandi omugore wa Adamu akaikiriza buri kacweka k'Ekigambo, koona, kwonka yaabuzabuzibwa aha kuraganisibwa kumwe, ngu, "Tahinduka, oku abaire ari nyomwabazyo n'eriizooba nikwo ari, kandi nikwo ariguma ebiro byona," eriizooba; kwonka yaaremerwa aha kuraganisibwa kumwe, obu yaayohibwa omuzigu, maisho n'amaisho. Kandi hati, abantu abeetsirwe ahabw'Eiziina Rye, hatariho kubanganisa, n'Omugore We. N'ow'okugaruka kubugana n'ekintu nikyo kimwe; gatari amazima g'ekigombe ky'ediini nari ekintu nanka, kureka buri Kigambo!

Ahabw'okuba, omu kutandika kwa Baiburi, omuntu akaheebwa Ekigambo kya Ruhanga kumubeisaho. Ekigambo kimwe, ekyashoboroirwe kubi n'o-omuntu orikwetwa Sitaane, omu muntu w'omuringo gw'enyamaishwa erikwetwa enjoka. Sitaane, omu muntu ogu, akaba naabaasa kugamba na Haawa, kandi yaamushoboororera kubi Ekigambo, reero yaahaba. Mwareeba, nikiteekwa kuba buri Kigambo.

22 Ahagati ya Baiburi, Yesu akaija yaagira ati, "Omuntu tatungwa by'okurya byonka, kureka n'Ewigambo kyona," obu Yaayohibwa Sitaane.

Hati, Ruhanga naatugambira hanu omu biro by'aha muheru, ngu, "ruhanga w'ensi egi naija kwimuka omu biro by'aha muheru."

"Kandi omuntu weena Orikyongyeraho ekigambo kimwe, nari Akakiihaho Ekigambo kimwe, omugabo gwe guryaihwa omu Kitabo ky'Amagara."

Ruhanga atugirire embabazi! Turekye kutambura n'emyekuniko, ebifuba biri omu maisho, emitwe ahaiguru, nk'abarikumanya byona, ahaw'bokuba naitwe rimwe tukaba turi abatarikuhrira. Ka twije n'okwebundaaza aha kitebe ky'Obukama ky'embabazi, twine embabazi, n'okusaasira, kandi n'okuteekateeka ahari Ruhanga omu mitima yaitu.

Eky'okutangaaza hati, ahanyima y'emyaka rukumi na magana mwenda y'okubuurira Engiri, kwonka hati yo, egyo n'entwaza y'ensi, esiisikaire munonga okukira omu bwire obu, obu Yaabaire ari hanu. Entwaza y'ensi esiisikaire munonga. Ensi eri haihi kuhika aha kumariira kukuru. Ekyo nimukimanya. Mukama naahikiiriza Ekigambo Kye embaju zoonia.

23 Nyomwabazyo, nyemereire . . . kanyesigye ngu omutsigazi ogwo ta . . . Taraakimanye. Mbaire nyizire n'omukazi wangye, na muka Woods, Ow'eishe-emwe Roy Roberson, hariho ahu ari hanu, Ow'eishe-emwe Woods, tubaire twayemerera hanu aha mwanya ogu mukye gw'Amaduuka gwa Youngstown, kutwara e-ekiterekye eki Ow'eishe-emwekazi Woods abaire aine. Kandi aha . . . ku tubaire twemereire aho, omutsigazi yaija yaayeyanjura, kandi ntarikumumanya. Omutsigazi ondijio yaija yaagira ngu nibaruga Alabama nari, Georg- . . . ningira ngu ni Georgia, 'habw'bokuba mbabuurize ku baraabe nibamanya Ow'eishe-emwe waitu Welch Evans. Reero twagaaniiraho edakiika nkye. Kandi ku mbaire ninza kugyenda, omutsigazi ogu yampanga amaisho. Omutsigazi ondijio oriya n'omwana we muto ku baagyenzire, omutsigazi ogu yampanga amaisho. Yaagira ati, "Niinyenda kugamba ekintu kimwe kyonka."

Naamubuuza nti, "Ori-ori omwikiriza? Ori Omukristaayo?

Yaagarukamu ati, "Ngaaha, sebo." Yaagira ati, "Mpu . . ."

24 Nimbaasa okutagamba ekigambo kyonyini eki agambire hanu, kwonka naabaasa kuba abaire naabanganisaho kakye. Mbaire naaheza kumubuuza aha bintu ebikwatiraine n'okweyoreka kwa Maraika wa Mukama. Reero yaagira ngu akaba yaabihuriireho, kwonka akaba atakazaga aha kanisa, ekanisa egi. Naamubuuza nti, "Nookiikiriza?"

Yaagarukamu ati, "Eego, sebo." Yaagira ati, "Ntwi-Ntwire nindieba ekintu." Yaagira ati, "Abantu batwire nibangambira aha bunabi obu n'ebindi, kandi nkahurira aha rutambi rw'amaraka oku waahanwire ngu California neeza kutobera nka batyo." Reero yaagira ati, "Ekyo ku nkireebire omu mpapura z'amahurire, obwo naakiikiriza." Yaagira ati, "Niinyija eriizooba nari nyenkyakare," eryo n'eriizooba, "omurundi gwangye gw'okubanza."

Naagira nti, "Mukama akuhe omugisha, mutabani," reero naatandika kumukwata omu ngaro.

Yaagira ati, "Kwonka niinyenda kugira eki naakugambira, sebo." Yaagira ati, "Mburiire kimwe buzima." Yaagira ati, "Ndi nk'ekinushu omu kirundo ky'omusheenyi, mbuzire!"

Naagira nti, "Kwonka toshemereire kuguma otyo. Hariho Omuntu oyemereire hanu hati orikubaasa kukubona obwire bwona obu orikuba oyeteekateekire kuboneka."

Yaagira ati, "Nyeteekateekire."

Naamubuuza nti, "Noobaasa kwinika omutwe gwawe?"

Yaagarukamu ati, "Tindikwitwa nshoni."

Tikyo ekkyo kyonka, kureka yaatsimba n'amaju ge, aho ahu emotoka zeemerera, omu maisho g'abantu boona. Abantu omu ruguuto rw'omu rurembo nibamureeba. Aho twashaba nawe, okuhitsya obu yaahaire Ruhanga omutima gwe. Akaija, ari omusiisi; yaagarukayo, ari omwana wa Ruhanga. Akaija aha rubaju rw'emotoka, afire; kwonka yaagarukayo, ahuriire.

Naagira nti, "Ekiyanja nikiza kuba kigwirwe nyencakare."

Hariho enshuro ejewire Eshagama,

Erikuruga omu mitsi ya Emanueli,

Abasiisi ku beejabika omu mwegyemure ogwo,

Baihwaho ebibi byabo byona.

Naagira nti, "Imuka obatizibwe omu Iziina rya Yesu Kristo, otakire Eiziina rya Mukama. Ruhanga naaza kukwijuza Omwoyo Orikwera, kandi akuhe ebintu ebi ebikuru, kandi atume waabaasa kureeba Ekintu ekyo."

25 Niki? Ensi eyorekyereire kuhika aha muheru mubi. Ahabw'enki? Omwoyo gw'okutakuratira biragiro, okusiisikara kw'engyesho, ediini ya sayansa, gugihikize omu "kiju ky'amahungu goona amabi kandi agarikunugwa," nk'oku Baiburi erikugira. Reka tukishome, Okushuururwa 18. Obwo twaba nitutandika enhonge egi, tubikuure Okushuururwa 18:1 okuhitsya aha gwa 5. Nintekateeka ngu nkihandiikire kurungi.

Bwanyima y'ebyo naareeba maraika ondijo naashuumma okuruga omu iguru, aine obushoborozi bwingi. Ensi yaajwerwa omushana gw'ekitiinisa kye.

Yaagamba n'eiraka rihango (hati imwe abaarootsire ebyo birooto) . . . ati: Orurembo orukuru Babulooni rugwire, rugwire! Ruhindukire obutaaho bwa baadaimoni, n'obweshereko bw'emyoyo yoona emibi, . . . n'obw'amahungu goona amabi agarikunugwa;

Ahakuba amahanga goona ganyweire viinyo y'okurigira okubi kw'orurembo (ekanisa) orwo, n'abagabe b'ensi bashambaine narwo, kandi n'abashuubuzi b'ensi batungisiibwe ebintu byarwo n'okwegira gye kwarwo okurengyesereize.

Kandi naahurira eiraka erindi niriruga omu iguru nirigira riti: mururugyemu, imwe bantu bangye 'mwe, mutakaakwatanisa narwo omu bibi byarwo, . . . mukaheebwa ekifubiro ky'ebirikwija kurubonabonesa;

Ahakuba ebibi byarwo bituumire byahika ahaiguru munonga, kandi Ruhanga aijukire eby'okushiisha byarwo.

26 Ka n'okurabura! Ekyo buzima nikigarura ekanisa enyima omu Kushuururwa 3:14, omu busingye bwa Laodikea, okutakuratira biragiro; obw'obunyadiini munonga, kwonka obutarikukuratira biragiro. "Iwe, ahabw'okuba noogira oti, 'Turi abatungi, titwine eki tukyenire,' kunu torikumanya ku ojwaire busha, enshoberwa, empumi, kandi torikukimanya." Buzima kishorongire n'Ebyahandiikirwe by'obusingye obu, tikiri ky'Ebyahandiikirwe by'obusingye bwa Danieli, tikiri eky'abo omu iziina rya . . . obusingye bwa Noa, kureka omu busingye obu obubi, obw'aha muheru.

Yetegyereze hanu, "Ojwaire busha." Ekyo ka kitaahemu munonga munonga. Nimmanya ngu nimbaasa kuhakanisibwa munonga aha kiteekateeko eki, kwonka kihikire ahu Omukristaayo haihi atarikubaasa kuruga omu nju ye haza atahikire omu maisho g'obusingye obu obubi, obw'abakazi abajwaire kubi.

27 Bakazi 'mwe, naaza kugamba eki, kandi niinyenda ngu muhurikize. Kandi, abashaija n'abakazi, eki nimubaasa kukihibitisa, kwonka nimpurira nyebembeirwe kukigamba. Mubaire nimumanya ngu, omukazi weena orikwejweka busha batyo ebiteekateeko bye tibiri omu buteeka? Nimumanya ngu, ni maraaya, yaaba naakiikiriza nari atarikukiteekateeka atyo? N'obu omukazi ogwo yaakubaasa kwemerera aimukize omukono gwe ahaiguru omu maisho ga Ruhanga kandi akarahira ngu takakwatwagaho omushaija ondijo weena kureka iba, kandi ago nigabaasa kuba amazima gonyine, kwonka nabwo ni maraaya. Yesu akagira ati, "Orikureeba omukazi akamwetenga biri aherize kumushambanaho." Kandi omukazi ogwo naabaasa kuba . . .

Mwareeba, omukazi "ajwaire busha," Baiburi nikwo erikugira, "kandi tarikukimanya." Omwoyo ogurikumusangira kukora ebintu nk'ebyo n'omwoyo mubi, ogw'obwamaraaya. Obuhangwa bwe obw'aheeru, ekyemerero kye, omubiri gwe, naabaasa kuba ari oshemeire. Naabaasa kutashambana na kakye, kandi naabaasa kurahira omu maisho ga Ruhanga kandi gabe amazima, ngu takakikoraga, kwonka omwoyo gwe n'omwoyo gw'obwamaraaya. Ruhanga w'ensi egi wa fashoni amwitiire kimwe amaisho; ayejwekire nka maraaya kandi yaaza aheeru okwo.

28 Ekiro kiri, nyowe n'Ow'eishe-emwe Woods tubaire nituta obwato bwaitu omu mugyera. Mbaire ninza kuruga omuka ahabw'edakiika nkye, kuza eruguru aha mugyera. Kwonka ahu obaire nooza hoona, abakazi abajwaire otuntu tukye otu . . . oturikwetwa obureega n'otuhare tw'omunda tw'okunaabiramu nari ekindi kintu, batujwaire. Ekyo n'ekirikuhemura. Omukazi takaaba atebeekeine omu biteekateeko bye haza akajwara ekintu nk'ekyo. Ariho omwoyo gw'obwamaraaya. Hati, ekyo okimare na Ruhanga, mukazi 'we, 'habw'okuba ekiro kimwe oryakimanya ngu ago n'Amazima.

Noobaasa ota, mukazi we, obwo orikumanya ku omubiri gwawe guri ogw'ekitiinisa kingi, reero okagwanika aheeru aho ahi egi mizimu erikwetenga kubi, enkozi z'ebibi zirikugyendagyenda omu nguuto z'omuri tauni z'obwire obu? Kuri abaana ba Ruhanga boona bakiri abaana ba Ruhanga, baro ari omwana wa Ruhanga, akaatumire waajwara ebijwaro nari akutsigaho. Kuri omwojo ari omwana wa Ruhanga, takaabaire naashwera ekintu nk'ekyo. Mwareeba?

Nimugira muti, "Nooko . . ." Ngaaha.

Nimbagambira Amazima, kandi ekiro kimwe Muryagabugana. "Ojwaire busha, maraaya; torikukimanya."

"Oo, nindahira tinkahendaga endahiro z'ibanye." Baro naija kukucwera orubanja ku oraabe waagihenzire. Kwonka Ruhanga naija kukucwera orubanja ahabw'omuringo gw'omwoyo ogu oine omuriwi; tarikucwera rubanja ahabw'omubiri gwawe, kureka ahabw'omwoyo gwawe, ogwo muntu w'omunda.

29 Omuntu ow'aheeru n'omuntu ow'omubiri orikutegyekwa n'ebihurikizo mukaaga . . . nari ebihurikizo bitaano, nimmanyisa. Omuntu ow'omunda n'omuntu ow'omwoyo orikutegyekwa n'ebihurikizo bitaano; eiraka ry'omunda, n'okukunda, n'ebindi. Omuntu ow'aheeru; okureeba, okuroza, okuhuririra omu mubiri, okunuukiriza, okuhurira.

Kwonka munda y'omwoyo ogwo harimu amagara, kandi nigategyekwa n'ekintu kimwe, okusharamu kwawe. Noobaasa kwakiira eki sitaane arikugamba nari kwikiriza eki Ruhanga arikugamba. Kandi ekyo nikija kushuuruura ni mwoyo ki ogurimu. Ku araabe ari Omwoyo wa Ruhanga, naija kurya ebintu bya Ruhanga, kandi Tarikwija kurya aha kintu kyona eky'ensi. Yesu akagira ati, "Ku muraakunde ensi nari ebintu bye'nsi, n'ahabw'okuba okukunda kwa Ruhanga tikukataahaga omuri eki kicweka ky'omunda." Sitaane akakubeiha. "Kandi omuntu tatungwa by'okurya byonka, kureka n'ekigambo kyona ekiruga omu kanwa ka Ruhanga."

Yetegyereze hati, nitureeba ngu omukazi ogu "ajware busha," naayetogonyora kandi abunwize.

30 Kandi ensi neereebeka eri omu busingye oburukukirayo kuba bubi oburabaireho. Tihariho obusingye na bumwe oburabaireho ahu abakazi baaratwaize batyo, tiburiho kureka obu ensi yaabaire eri haihi kucwekyerezibwa n'omwegyemure. Kandi Yesu akakigambaho. Nituza kukihikaho omu kaanya kakye.

Ruhanga aremirwe kutegyeka, nari Ariyo naikiriza ekindi kintu kutegyeka? Niinyebuuza. Eky'okugarukamu ekihikire aha kibuuzo eki ni, omu kuteekateeka kwangye, hariho emyoyo ebiri erikuhakanisana omu nsi ebiro ebi, erikukora. Hati, tiharikubaasa kubaho erikukira ahari ebiri, abategyeki babiri. Kandi Omwe n'Omwoyo Orikwera orikukora; ogundi n'omwoyo gwa sitaane, kandi, ogurikuhabisa, omu biro ebi eby'aha muheru.

Hati, ebiteekateeko byangye naaza kubita aha musingye ogu gwonyine ahabw'ebysigara aha ishomo, Obutumwa bwaitu . . . obwatsigara.

31 Egyo myoyo ebiri. Omwe ahariyo, n'Omwoyo Orikwera wa Ruhanga; ogundi, n'omwoyo gwa sitaane, ogurikukorera omu buhabe. Abantu b'ensi hati nibatooranaho.

Omwoyo Orikwera ari hanu naayeta Omugore wa Kristo kurugayo. Naakikora okurabira omu kuhamya Ekigamba Kye Ekyamuraganisiibwe, ahabw'obusingye obu, naayoreka ngu Ni Kristo.

Orukumu ku ruraabe rushemereire kuba nirugyenda omu busingye obu, orukumu nizu kugyenda. Ekiyere ku kiraabe kishemereire kutambura omu busingye obu, ekiyere nikiza kutambura. Eriisho ku riraabe rishemereire kureeba omu busingye obu, eriisho niriza kureeba. Mwareeba?

Omwoyo wa Ruhanga, nk'oku Arikuba naakura kuhika omu kishushani ekihikire kya Ruhanga, nibwo Busingye obu tutwiremu hati. Omwoyo Orikwera ari hanu naahamya Obutumwa bw'obwire. Kandi Omwoyo Orikwera naakora eki, kugira ngu abantu abarikwikiriza Ruhanga baije kwetwa kuruga omu katabanguko aka.

Omwoyo mubi wa Sitaane ari hanu naayeeta ekanisa ye omu buhabe, nka burijjo, ahaw'okukiikamya Ekigambo kya Ruhanga, nk'oku yaakozire omu kutandika. Mwareeba? Nikigarukira kimwe enyima honyine omu bwire obwo bw'embibo ogundi murundi, kuruga omuri Edeni, ngugu hanu ogundi murundi.

32 Hati, kugaruka kuri enyima, ori ow'o- . . . obundi busingye, okaba ori ow'ebigombe by'amadiini, okaba ori ow'eki, kiri, nari kiriya. N'enki ekyabaire aha mushengye gw'ekigombe ky'ediini? Gukooma. Omwoyo yaaguma naarugamu kandi naagumizamu, reero Yaahereerukira omu Mbibo. Mwareeba?

Reero okwohibwa, kwa yombi, nikugaruka omu muringo nigwo gumwe nk'oku kwabaire omu kutandika. Yetegyereze. Ota-ota, ngaaha, otakyebwa hati.

Nk'oku Yohaana, Yohaana y'Okubanza 4:5 na 6, ekyo ku oraabe nooyenda kukihandiika, naagweta, "omwoyo ogurikuhabya."

Haawa tarafiiire kugyenda, akigyendereire, ati, "Tindikwikiririza omuri Ruhanga." Ngaaha. Akaikiriza obuhabe.

Sitaane tararugireyo reero akagira ati, "Oo, mpaho, ekyo nangwa tikiri n'Ekigambo kya Ruhanga." Akaikiriza ngu kikaba kiri Ekigambo kya Ruhanga, kwonka Yaakishoboorora nk'oku arikweyendera. Eki, Ruhanga yaabaire abagambiire butunu okutakikora.

Eki nikikora ki? Nikireeta ekirikuhabya eky'amaani, kwikiririsa abantu ekishuba, reero kibasingise orubanja. "Hati ekyo ku oraabe nooyenda kukishoma, Abatesalonika ba Kabiri 2:11.

Nk'oku nyine nka, Ebyahandiikirwe bikye hanu, kandi tituraabishome byona. Ninza kubibaha, rimwe na rimwe. Kyareebeka kiri kisia, mukakigiraho ekibuuzo nari ekindi kintu, obwo nitubaasa kukihandiika kandi tukishome ahaw'o-ahabw'oburungi bwanyu.

33 "Kuboohererera ekirikuhabya eky'amaani," nk'oku Baiburi erikugira ngu kiryaba, Abatesalonika ba Kabiri. "Hati, omuntu ogu omugomi akaba naaza kwija, kandi akashutama omuri hekalu ya Ruhanga, naayeyeta Ruhanga, kandi akareetera abantu kuza omu birikuhabisa by'amaani, bakaikiriza ekishuba; reero, okukiikiriza, kikaija kubasingisa orubanja."

Ekintu ekyo nikyo kimwe eki yaakozire Haawa. Akamuha . . . Tara-taramugambiire ngu Ekigambo kikaba kitahikire, kureka akamuha ekirikuhabisa eky'amaani, yaikiriza ekishuba.

Omwovo ogurikuhabisa n'ogwa sitaane. "Emizimu hati neekorera omu batarikuhurira." Abatarikuhurira ki? Tibarikuhurira ki eriigyenda? Nka Haawa, omu kutandika, Ekigambo kya Ruhanga eky'amazima. Ekyo kihikire. Hati ekyo ku muraabe nimwenda kukitunga . . .

Ka tukibiikuure, Abaefeso 2, akaanya kakye, 'habw'okuba nikireebeka kiri kirungi ngu tu . . . Ninja kwemerera akaanya kakye konka, ku muraabe mutaine obwira bwingi, reero tushome bimwe ahari eki. Abefeso 2:1 okuhitsya aha gwa 2.

Kandi naimwe akabahindura abahuriire, obu mwabaire mufereere omu bibi n'omu by'okushiisha byanyu,

Ebi mwabaire mugyenderamu ira nimukuratira emitwarize y'ensi egi, kandi n'okukuratira omukama w'obushoborozi bw'omu mwanya gw'ahaiguru, nigwo mwovo ogurukorera hati omu batarikuhurira:

34 "Abatarikuhurira." Kandi anti-kristo ogwo, ku araabe ari atyo naakitandika okwo omu buto bw'obutahurira, nikija kuba kita obu arihereerukira omu muntu anti-kristo wenylene? Ka nikija kuba ekirikuhabisa munonga! O-omuntu okuzire ka naabaasa kuhabisa ensi munonga, okukira omwana muto! Kandi akagira ati, "Omwovo ogurikuhabisa ogurukorera hati omu batarikuhurira," abatarikuhurira Ekigambo. Yetegyereze. Hati niinyenda kuguma ahari eki omwanya mukye, "abatarikuhurira," omwana.

Obaire noomanya ngu, iwe, okutandika kwawe, nimbaasa kuhamya kurabira omu Kigambo kya Ruhanga ngu iwe, omuntu weena ori hanu, okaba oriho ohuriire omuri shwenkuruza. Kandi shwenkuruza, okazaarwa kurabira omuri shwenkuru, bwanyima omuri sho, reero yaaba iwe. Ekyo nookimanya?

Baiburi neegira ngu, niinyikiriza n'Abaheburaayo 7, ngu, Melekizedeki, obu Abrahamu yaatabaaruaka naaruga kwita abagabe, "Abrahamu akaha Melekizedeki kimwe kya ikumi ky'eminyago yoona." Mbwenu hati ngugu hanu Paulo naagamba, ngu, "Leevi, owaabaire ayakiira kimwe kya ikumi, akaba akiri . . . Akaha kimwe kya ikumi, ahabw'okuba akaba akiri omunda ya Abrahamu obu yaabugana Melekizedeki." N'ahabw'ekyo byona ebi Abrahamu yaakozire, obwo nitushanga ngu Leevi obwire obwo akaba ari omuri Abrahamu, owaabaire ari ishenkuruza. Abrahamu akazaara Isaaka; Isaaka yaazaara Yakobo; Yakobo yaazaara baishenkuriitwe, Leevi.

Hati, kyaba kiri kityo, nooreeba, eki nikyoreka kurungi, okushoroorwa ira.

35 Hati, omu Butumwa obu, niinyenda ku-ku-kuhamisiriza ebintu ebi mbagambiire omu Butumwa, bw'Omushana ogu gw'omwabazyo ogu Ruhanga yaagambire ngu guryaija omu nsi.

Kandi yetegyereze, n'ahabw'ekyo, "Enyamaishwa eyaabaire neeza kwija omu nsi, ekaba neija kubehabeihia boona abu amaziina gaabo gatarahandiikirwe omu Kitabo ky'Amagara ky'Omwana gw'Entaama, owaitsirwe omusingye gw'ensi gutakatairweho."

Omu kuteekateeka kwa Ruhanga; Ruhanga, Omwovo mukuru. Omu kutandika, hatakabaireho okutandika kwona, Akaba ari Ruhanga, kwonka noomanya ku waabaire ori Omuriwe obwire obwo? Ku oraabe ori Omukristaayo hati, okaba ori Omuriwe obwire obwo.

Reero, ekyo ku kiraabe kiri kityo, Obwaruhanga bwona obureeberwa omu mubiri bukabumbirwa omu Muntu Yesu Kristo. Kandi bwanyima Yesu ku yaafiire aha musharaba, nkafa Nawe, ahakuba nkaba ndi Omuriwe obwire obwo; ahabw'okuba Akaba ari okwijura kw'Ekigambo, kyorekirwe, naamanya ngu tukaba nituza kworekwa bwanyima. Kandi tukaba turi ahari Gologosa Nawe. Tukaza omu kituuro Nawe. Kandi twazooka Nawe omu kuzooka Kwe. Mbwenu hati tutembire, ahabw'Omwoyo We, aha Kitebe ky'embabazi, tushutami hamwe omu myanya y'omu Iguru omuri Kristo Yesu. Burijio!

36 Ahakuba nk'oku entanga y'amagara g'obutoosha ejukuruza, ekaheebwa amagara okuruga aha muzaire omushaija kuza aha muzaire omushaija, kuza aha muzaire omushaija, kuza aha muzaire omushaija, nikwo n'Amagara ga Kristo gahinduka agahuriire.

Niyo nshonga Ruhanga akozesa omwovo gwa Eliya emirundi etaano etarikushushana. Niki? N'okwijukuruza.

Nk'oku amagara gaawe g'obutoosha n'oburanga obiijukuruza kuruga omu kuteerana kwa sho omu buryo bw'obutoosha, nikwo kiri n'Omwoyo wa Ruhanga, owaamanyirwe ira omusingye gw'ensi gutakateirweho.

Kandi Ekigambo kya Ruhanga kyona, omu bwijwire, ku kyajuriire omu mubiri gw'omuntu orikwetwa Yesu Kristo, omunda omwo Ruhanga akatuma naashashurira ebibi byangye, Omuriwe aho. Reero Yanzoora, yanzoora Nawe, omu kuzooka. Mbwenu hati tushutami Nawe, twine amaani n'obushoborozi ahari buri daimoni. Oo, kuri noikiriza kwonka eki Ruhanga ahare! Kwonka ku oraabe otashutamiyo, t'obwine. Kandi ku oraabe oshutamiyo, haza otarikwikiriza, nari oine obwoba bw'okukora, toribukoza. Kwonka ku oraabe oshutamiyo, noiya kubukoza, ahakuba okashoroorwa ira otakabaireho kukora eki orikukora.

"Faraho," orubaju orundi, "nikyo yaayemekyeirwe," Baiburi nikwo erikugamba, ahari Faraho. "Yuda

Iskaryota akeetwa kuba omwana ow'okuhwerekyerera."

Hati yetegyereze Amazima aga makuru agu turikuza kuhikaho.

37 Hati nitureeba ngu ekanisa ekanga kwakiira Ekigambo kya Ruhanga kubategyeka, kwonka yaayakiira Barabba omu mwanya Gwe. Hati, ku oraabe nooyenda Ebyahandiikirwe ahari ekyo, ni Matayo 27:15 okuhitsya aha gwa 23. Eki kikakora ki? Eki kikakora omu mwanya gwa ki? Hati kiteekateekyeho. Obu ekanisa y'ensi, omu magara gaayo g'oburikwera, omuntu orikwera, nk'oku baabaire nibateekateeka ngu nikwo bari, kandi arikwo bari omu maisho g'abantu, bakabamba Yesu, kandi baagira bat, "Titurikwenda Omuntu ogu kututegyeka." Kunu Yesu yaabaire ari okwijura kwona kw'Ekigambo kya Ruhanga. Ebaruha ya Yohaana y'Okubanza 1, neekigamba. Kandi bakagira bat, "Titurikwenda Ekigambo kya Ruhanga eki kututegyeka." Kunu, Yaabaire ari Kigambo, kwonka amaisho gaabo gakahumisibwa aha ki Yaabaire ari. Ahakuba Akaba ari eky'okugarukamu kyonyini kya buri bunabi obwabaire nibuza kuhikiirira Omuriwe.

Hati, ekyo twena nitukiikiriza, ahabw'okuba nitunaga amaisho enyima tureeba nikihikiirira. Beitu kuri ensi neebaasa, egi eriho hati, obusingye obu obubi oburiho hati, kuri yaabaire eriho enyima kuri obwire obwo, bakaakozire ekintu nikyo kimwe eki barikukora eriizooba, ahabw'okuba kikiri Ekigambo nikyo kimwe, eky'obusingye obu, ekirikworekwa. Nibaija kukikora. Tibarikubaasa kukora ekindi kintu kyona. "N'abatarikuhurira." "Bahairwe ekirikuhabya ky'amaani, kwikiriza ekishuba, reero kibasingise orubanja."

38 Yetegyereze ekanisa y'ensi ku yaayangire kwakiira Yesu, Ekigambo, ekyorekirwe eky'obwire obwo, ahabw'okuba (ahabw'enki?) bakaba Bakishoboroire omu muringo ogundi. Kwonka bakaba bashemereire kumanya ngu Akaba ari ekyo Kigambo, ahabw'okuba ebintu byona ebi Ruhanga yaagambire ngu Aryakora, Akabikora. Kandi Akabagambira ati, "Musherure omu Byahandiikirwe by'obwire obu; haza ku Ndaabe ntahikiriize Ebyangambirweho kukora, obwo murekye Kuunyikiriza."

Baagira bat, "Nitwikiriza Musa."

Yaagarukamu ati, "Kuri mwaikiriize Musa, Naanye mukaanyikiriize, ahakuba Musa Niinye ou yaagambireho." Kwonka nabwo tibarakireebire. Ruhanga ow'omu Iguru wenyine arikufa aha musharaba, kandi arikugamba ebigambo nibyo bimwe ebi nabi yaagambire ngu Aryagamba, kwonka nabwo tibarakireebire. Mwareeba?

Bakaba batari ab'omuringo Gwe. Bakaba batari Kigambo, batari Kigambo; kwonka bo, nabwo, bakaba bari-bari abanyadiini munonga. Kwonka bakaba batari Kigambo, ahabw'okuba Ki-Kikaabaire nikyetegyereza omwanya Gwakyo ahabw'obwire obwo.

39 Yetegyereze oku Ebyahandiikirwe birikwikirizana gye omuri buri busingye. Yetegyereze hati.

Kandi ekanisa y'ensi ku yaayangire Ekigambo kya Ruhanga kubategyeka, bakaikiriza omwitsi, Barabba. Eki kikakora ki? Kikatunguura Sitaane, ruhanga w'obusingye obu obubi, kyamuta omu mwanya ogu yaabaire atuura naayetenga.

Hati hurikiriza. Ahakuba, Sitaane tarikugambwaho nka ruhanga w'obusingye obundi bwona kureka obusingye obu. Taragambilweho ngu ni ruhanga w'obusingye bwa Noa. Taragambilweho ngu-ngu ni ruhanga w'obusingye bwa Musa, ruhanga w'obusingye bwa Eliya. Kureka, obusingye obu obubi, niwe . . . Oo, mutakifeerwa! Niwe ruhanga w'obusingye obu obubi, orikuramibwa na zaamiriyoni na zaabiriyoni z'abantu, kandi tibarikukimanya. Kwonka reka turekye Ebyahandiikirwe bimushwekuure akasheeshe aka, reero tureebe, obwo nimwija kumanya. Reka Ebyahandiikirwe . . .

Nk'omu nteerane z'okumanya ebiri omu mitima, obu Omwoyo Orikwera ataaha omu Kigambo Kye reero Akeeta omushaija ogu haza akagira ati, "Toshemereire kuba nootuura n'omukazi ogu ondiijo. Ahabw'enki waakikozire, emyaka ikumi ehangwire, obu waatorora omukazi w'oriya mushaija?" Omwoyo Orikwera naakora ki? Naamushwekuura, naayanika Sitaane, obohire ogwo mushaija, nari omukazi otwire n'omushaija w'ondiijo mukazi, nari ebibi ebi baakozire, ebintu ebi baakozire. Nikikora ki? Nikimushwekuura.

40 Baadokita batware ebikozeso kandi bagyezaho kusherura ekishobire. Tibarikubaasa kukibona. Titurikubaasa kumanya. Kwonka kandi Omwoyo Orikwera naarugayo reero ashuuuru eki ari, kandi amushwekuura. Mwareeba? Ekyo nikyo Ekigambo kya Ruhanga kiri. N'Omushana ogujwa omu mwirima.

Kandi ku orikuteekateeka aha rwari omu kishengye, niruhurirwa nk'orutarikwetegyerezibwa; ekibiina ky'ebintu nanka ekirikukora, kandi torikumanya eki kiri. Taho etaara, ahonaaho . . . Empanju, ebiyenje, n'a-n'abaana b'omwirima. Kandi omushana ku gwaka, bistaataana.

"Bakataana naitwe baaturugamu ahabw'okuba bakaba batari baitu," Baiburi nikwo erikugira. Mwareeba? Tibarikubaasa kutuura omu Mushana gw'ensi . . . Ahakuba, Ruhanga w'Eiguru ayohereize Omushana Gwe omu biro ebi eby'aha muheru, kugira ngu Abaase kumurikira omuhanda ahabw'abaana Be, kugira ngu barekye kugyendera omu mwirima n'okuteera entsibo, kureka babaase kugyendera omu Mushana ogurikwangashana gwa Yesu Kristo, otahinduka, oku abaire ari nyomwabazyo n'eriizooba nikwo ari, kandi nikwo ariguma ebiro byona. Amiina!

41 Yetegyereze, Sitaane tarikwetwa ruhanga w'obusingye obundi bwona kureka obusingye obu. Kikaba kiri ekigyendererwa kye kuba nka Ruhanga, okurugira kimwe omu kutandika.

Ekyo ka tukishome. Nituza kwetwara. Reka tugarukye enyima omuri . . . Mwareeba, nkihandiikire hanu, Isaaya 14. Ka tugarukye enyima hanu omuri Isaaya 14, akaanya kakye, reero tureebe eki Ruhanga yaagambire. "Ogwo ruhanga," eki Sitaane yaakozire. Isaaya 14:12 na 14. Yetegyereze.

Iwe nyonyoozi y'omu buturuturu 'we, omwana w'omushekye, k'orugire omu iguru okagwa! Iwe owaabaire ocwa amahanga busha, k'otemirwe, okaza aha itaka!

Okaba ogira omu mutima gwawe oti: Ndyatemba omu iguru ahaiguru y'enyonyyoozi za Ruhanga (abaana ba Ruhanga, hati), ekitebe kyangye nkite ahaiguru. Ndyashutama aha rushozi rw'eiteeraniro okwo hare aha bukiizi-bwa-buryo.

Kikaba kiri ekigyendererwa kya Sitaane kuramibwa nka Ruhanga. Akatwara ebicweka bibiri bya kashatu, ebicweka bibiri bya kashatu by'enyonyyoozi z'omu Iguru. Yaayetunguura ahaiguru y'ezo nyonyoozi, reero yaazibuurira, kandi yaabeihabeisha ebicweka bibiri bya kashatu byazo. Mwakireeba? Kare. Yetegyereze, ekyo nikyo kigyendererwa kye.

Kandi hati ayeteekateekire, n'omugore we otoorainwe n'okwengyendesereza, oyegyesiibwe n'obwengye bwe, mwareeba, osiigirwe weena omu kubehabeisha kwe, okw'ebiyombeko bihangon n'ebigombe by'amadiini bihangon, n'erangi z'okumanya n'eb'yenyegyesa z'ediini, okukyenga n'obwengye, kandi oyegyesiibwe, kubehabeisha ensi yoona, reero yaaba "ruhanga." Ekyo nikyo akozire. Byona nibihenderera omu muntu anti-kristo, owaaherize kujwekwa ekirunga "nk'omujwekyerwa wa Ruhanga," n'omugore we wa sayansa, orikukunda ensi, weena ajwaire obwegyese bw'ediini, bw'obwengye bw'obuntu bw'ekitiinisa kingi. Ogwo mugore ahindwirwe omunyadiini nkawe, hamwe n'okushoboora kwe kw'Ekigambo kya Ruhanga nk'oku yaakozire Haawa, kandi nk'oku omwana we Kaini yaakozire.

Hati waagira oti, "Omwana wa Sitaane?"

42 Nyoreka omwanya gumwe omuri Baiburi ahu Kaini areetsirwe omwana wa Adamu. Baiburi neegira ngu akaba ari "omwana w'omubi," oruzaaro rw'enjoka. Ngaaha, ekishwekyeso kiihirweho hati, ow'eishe-emwe. Piramidi yaaherize kubambuurwa, nk'oku okushuuuruurwa kwayorekire.

Yetegyereze eki arikora, ebiteekateeko bye. Akateekateeka ngu Ruhanga atuura omu bintu birungi by'ensi. Ekyo akakikora omu Iguru. Ekibi tikiratandikiire omu kibanja kya Edeni; kikatandikira omu iguru, obu Lusafeeri, omwana w'omushekye, yaayetunguura omu burungi, kandi akeetenga obukama burungi oburukukira obwa Mikaeli. Kandi akateekateeka ngu Ruhanga atuura omu bintu birungi.

Kandi yetegyereze Kaini. Akaba atarikwenda ekitambo ky'eshagama. Akashuma kandi yaareeta omutoijo gw'ebijuma, nimmanyisa-nimmanyisa yaareeta aha itambiro rye omutoijo gw'ebintu birungi ebi yaabaire ahingire omu musiri. Omunyadiini munonga, akakora buri kimwe, eki, nk'oku Abeeli yaakozire buzima; yaareeta omutoijo, yaagwa ahansi omu maisho ga Ruhanga omu kuramya, yaayoroba omu buryo bwona, kwonka ataine okushuuuruurirwa kw'Ekigambo.

Kandi Ekigambo, okuruga omu kutandika, niyo yaabaire eri puraani ya Ruhanga. Kwonka Ruhanga akashuuuruura, ahabw'okushuuuruurirwa, ekintu ekyo kyonyini eki Yaasiimire kandi yaahamya ngu kikaba kihikire. Atari ediini, ritari itambiro, ti kuba memba w'ekanisa, ti kureeta ekitambo, ti kuba omwesigwa; kureka ahabw'okushuuuruurirwa Ekigambo kya Ruhanga. Ruhanga naamushuuuruurira ngu ti . . .

Nyina tarariire ekijuma kya apo eki enjoja yaamuhaire, kureka akashambana n'omuntu wa Sitaane, omu muringo gw'enyamaishwa; kitari ekikooko ekirkwekurura ahansi, kureka erabukire munonga okukira ezindi zoona, erikukirayo obwengye omu nyamaishwa zoona ez'omu ishwa, omu nshusha y'omuntu, ekintu kyonka ekiine entanga eyaabaire neebaasa kujwangana. Hati sayansa neegyezaho kumuzoora. Kwonka tibaribaasa kumuzoora, ahabw'okuba buri igufa ry'omu mubiri gwe rikahindurwa. Kandi Baiburi neekigamba etyo.

43 Yetegyereze eki omuntu ogu araaze kukora hati. Omuntu ogu, "Naaza kushutama omuri hekalu ya Ruhanga," egyo ni, ekanisa, "naayeyeta Ruhanga." Hati ku muraabe nimwenda kukishoma, ekyo n'Abatesalonika ba Kabiri 2:3 na 4, hamwe n'Okushuuuruurwa 13:4, 11 na 12; ahu baagambire, baanabi bombi, Yohaana na Paulo bombi, eki araije kuba ari omu biro by'aha muheru. Hati mukishome, ahabw'okuba nkihandiikire hanu. Kwonka ni . . . kutashiisha obwire hati.

Ekiro eki tutwiremu nikyetwa, omuri Baiburi, "ekiro ky'omuntu," ekiro ky'omuntu. Eki ti kiro kya Ruhanga. Ruhanga tari ruhanga w'ensi egi; Baiburi neegira ngu Tariwe. We ni Ruhanga w'Eiguru. Kwonka eki ti kiro kya Ruhanga.

Eki n'ekiro ky'okutooranamu. Yaaba, okubaisibwaho ebiro ebi, haza okafa; tooranamu Ruhanga, obone kugumaho. Kandi Ruhanga niwe Ekigambo, kandi Ekigambo n'Ekigambo kyorekirwe ky'obwire n'ekiro.

44 Yetegyereze, "ekiro ky'omuntu." Ekyo ku oraabe nooyenda kukihandiika, naaba ninza kukishoma. Kwonka

Abakorinso y'Okubanza 5:1-5 . . . Abakorinso y'Okubanza 4: 1-5, munsaasire, Abakorinso y'Okubanza 4: 1 na 5, ni Paulo owaabaire naagamba aha kucwerwa orubanja n'omuntu, omu kiro ky'omuntu.

“Ekyo kiro, ahabw'enki nookyeta ekiro ky'omuntu?” noobaasa kubuuza. N'ekiro eki emirimo y'obwengye bw'omuntu erikuhibisibwa.

Reeba oku, okweraata kwona kw'abakomyunisiti, omuntu naagyezaho kutwara omuntu aha kwezi. Ruhanga naagyezaho kutwara omuntu omu Iguru. Mwareeba? Kwonka reeba oku barikukoresa zaamiliyon na zaabiliyon na zaatwiliyon zaadolla, omu bweziriki bw'okufa busha. Ku baraahikyeyo, tibaraije kushangayo ekintu kyona. Babaire ki?

Tindikufayo ahaby'okwezi. Niinyenda kuraba aha kwezi n'obwira bwingi okuhitsya obu nangwa ntaraakureebe; ngumizemu ninja ahaiguru. Niinyenda kuraba aha Mwanya gw'Akakuku k'enyonyozi nyingi, ngumizemu, ngumizemu ningyenda. Eego!

45 Kandi ensi eriizooba eriyo neeyehayo aha bwengye obwareetsirwe Sitaane. Kandi ekiro ky'omuntu nikihimbisibwa, tikirikuhibisibwa n'Ekigambo kya Ruhanga, kureka ahabw'okumanya oku aine.

Hati teekateeka. Ekyo ka kitaahemu. Kandi ku oraagarukye kutaho orutambi rw'amaraka oru, waahika aha mwanya ogu, orwemereze akaanya kakye reero oteekateekye.

Emirimo ye etungwirwe okukira Ekigambo kya Ruhanga n'emirimo eyorekirwe; obwengye bwa Sitaane, obu yaahaire Haawa omu kutandika. Hati muhurikize; mutafeerwa eki. Obwengye bwa Sitaane butungwirwe bwateebwa aha kitebe ky'obukama ky'okuramya, omu muntu, okukira Ekigambo kya Ruhanga ekihamiibwe ky'obwire obu. Amakanisa gaitu nigakihamya na zaaseminariyo zaabo-zaabo, amashomero g'okwegyeramu, omu beegyera ebirkukira oku Ekigambo kya Ruhanga Kirikumanya, nikwo barikuteekateeka. Kandi okwo, Dokita Nanka-na-nanka, hamwe n'Omwegyesa Nanka-na-nanka, na Purofeesa Nanka-na-nanka batungwire okumanya kwabo, oku barikweta amazima (kuruga ahari Sitaane), okukira okuraganisa kwa Ruhanga okuhamiibwe, okworekirwe butunu omu maisho gaabo. Kandi abantu buzima bakikiriza. Mwareeba?

Obuhanguzi bwe bwa sayansa, naagyezaho kuhamya ngu Ekigambo kya Ruhanga n'ebishuba. Teekateeka ahari ekyo. We, ebyo, ebyo ni, enyegyesa z'omuntu z'ebi'ediini, nizishoboororera abantu Ekigambo kya Ruhanga, kandi Zikhindura busha ogundi murundi, nk'oku yaakikozire omu busingye bw'ebigombe by'amadiini obu Yesu yaareebeka omu nsi. Yesu akagira ati, “Imwe ndyarya mwe! Imwe, ahabw'emigyenzo yaanyu,” okwo n'okushoboorora kwabo, “mukwatsire Ekigambo kya Ruhanga kandi Mwakhindura busha aha bantu.” Kandi ekyo nikyo kintu kyonyini eki bakozire eriizooba. Kihindukire busha.

46 Yetegyereze, “Bo,” abo bantu, “bamutunguura okukira ekintu kyona ekyetwa Ruhanga.” Abatesalonika ba Kabiri tiharikugira ngu baryakikora? Kandi obushoboorozi bw'ekanisa y'ekigombe ky'ediini, abantu nibaikiriza ekyo kigombe ky'ediini okukira oku barikwikiriza Ruhanga. Kandi Ruhanga ni Kigambo. Nibaikiriza enyikiriza y'ekigombe ky'ediini kyabo okukira Ekigambo, ekyo “kimutunguura okukira ekintu kyona ekyetwa Ruhanga.” Kandi hariho Ruhanga omwe wenka, kandi ogwo ni Kigambo.

“Ekintu kyona ekyetwa Ruhanga; n'ahabw'ekyo we nka Ruhanga ashutama omu kanisa ya Ruhanga, naahamya ku ni Ruhanga,” ahabw'okuba aine abantu abarkumuramya. Ruhanga ni Kigambo. Kandi ayetunguura okukira ekintu kyona ekyetwa Ruhanga. Kandi hariho Ruhanga omwe wenka, kandi Ruhanga ogwo ni Kigambo. Mwareeba? “Kandi ekintu kyona ekyetwa Ruhanga,” ni, ruhanga w'obusingye obu ayetungwire okukira Ekigambo kya Ruhanga eky'amazima, ekihamiibwe. Ekyo ni Yohaana Orikwera 1. Mwareeba? “Okukira ekintu kyona ekyetwa Ruhanga, kugira ngu we nka Ruhanga ashutame omuri hekalu ya Ruhanga,” aine obushoboorozi.

Reeba, kandi naahimbisibwa ahabwakyo! Oo, k'abantu, ai Ruhanga, bareebe okuhabiso okwo! Naasiimwa ahabwakyo, kandi abantu b'obusingye obu obubi nibamwikiriza oburengye. Hati nimureeba ogwo ruhanga n'abaheereza be ab'obusingye obu obubi?

47 Hati reka tukireebe nikyorekwa. Naagira ngu naabakorera ensi erikukiraho oburungi kutuuramu, okurabira omu kumanya kwe okutaanuukaine n'Ekigambo kya Ruhanga ekitaremwa. Kandi ahabw'okweteerana hamwe kwe, omu bigombe by'amadiini, n'enyikiriza, n'obwengye, hamwe n'ebya sayansa, n'ebindi, naakora ensi erikukiraho oburungi y'abantu kutuuramu, kwonka naayehuzya okuraganisa kwa Ruhanga, ngu obwire bwonka obu ensi eriba eri nungi kutuurwamu n'omu myaka Rukumi y'okutegyecka kwa Kristo. Nimumanya, omu kuteekateeka kwangye, akozire ensi nungi y'okukoreramu ekibi omu mwanya gw'okutuuramu.

Yetegyereze. Akahindura ebiragi kugira ngu ekibi kiikirizibwe. Yaikiriza kunywa wisiki, kureetsa sigara. Kandi omu makanisa, yaikiriza ngu omukazi naabaasa kuba memba w'ekanisa, ashazire eishokye. Hati b'oyemereireho akaanya kakye.

48 Omukazi naabaasa kujwara ebijwaro bigufu munonga, ayesiigye erangi, kandi agume ari ow'ekibiina ky'ediini ye, ekirikuhakanisiza kimwe Ekigambo kya Ruhanga. Naagira ngu tikiine nshonga. Nimureeba obwengye bwe? “Ekyo kiine kakwate ki n'omukazi?” Nikyo kimwe nk'okurya ekijuma ekyazibiiwe kuriibwaho, nari ti kijuma ekyazibiiwe, okwo nikwo kiri. Ruhanga akagira ngu atakikora, beitu naakikora.

Kandi omukazi amwikiriza, kandi naakimukundira. Naayanga Ruhanga. Ebikorwa bye bihamya ngu naamwanga. Naagira ngu Naamukunda, beitu Naakunda Sitaane. Naaramya ruhanga wa fashoni, ruhanga w'ensi, baaruhanga-kazi ba Hollywood. Naamukunda, kwonka naayanga Ekigambo kya Ruhanga eky'amazima, arikyo Ruhanga wenka ow'amazima oriho.

Akiikiriza omu makanisa. "Tikiine nshonga. Abakazi baitu nibabaasa kukora eki, kiri, nari kiriya." Kwonka omu Kubaho kwa Ruhanga ohuriire, tarikwikirizibwa nangwa n'okwija, kureka yaaba naayeteisa.

Naareeba, ngu ni ruhanga w'oburungi bw'ensi, niwe. Omukazi naayenda kureebeka ari murungi. Kandi sitaane ni ruhanga w'oburungi, okuruga omu kutandika. Naabaasa, kandi ahangwire ahabw'okumanya kwe kwa sayansa n'ebintu, abaasize kukora oburungi, ahabw'obusingye obu obw'okureeberaho bwe . . . obusingye obu obw'omutindo gw'eriigyenda, nimmanyisa, obubi. Buhindukire burungi.

49 Yetegyereze. N'eky'okutaho omutima kwetegyereza. Omu kutandika, Seezi n'abaana be tibarakuratiire ebya sayansa.

Hati twaza kugamba ahari sayansa ahabw'edakiika nkye. Ku ndaagambe eki, kutari okushagika obutamanya bwangye; kwonka, n'ekibiina ky'abashema, ekintu kyona ekirikwehakana Ekigambo kya Ruhanga. Mwareeba? Buzima.

Kishemereire kwetegyerezibwa. Kireebe. Abaana ba Seezi tibarakuratiire ebya sayansa. Bakaba bari abariisa b'obutoosha, abahingi, n'ebindi.

Kwonka abaana ba Kaini bakakuratira ebya sayansa. Ahabw'enki? Bakashukwaho omwoyo gwa ishebo, sitaane. Kaini, akashukwaho omwoyo gwa ishe, sitaane, kandi n'aba baashukirweho egoy mbibo y'okusikirana.

Reeba embibo ya Ruhanga neija omu busingye bwona, kandi reeba ei erikuhererukira eriizooba. Abakristaayo, Abakristaayo kashushu, tibafayo munonga aha kucoondoza kwa sayansa n'ebindi. Ngaaha. Mube murekireho akaanya kakye, nituza kukitaahamu.

Kwonka aba Kaini bakakikora, baatwara emize ya ishebo, sitaane, baijwire okumanya kw'ensi, oburungi, na sayansa, n'ebindi. Abaana ba Kaini bakaba bari abanyasayansa. Bakaba beegire. Bakaba bari abateezi b'ebizino-ebyoma by'okuzinisa; Elvis Presley w'omurembe, bimwe aha bintu ebi nk'ebyo ebi akakiiko k'eishomero kaikiriza kubaho omu muhanda gw'omuri tauni hanu buri Rwamukaaga ekiro. Abombeki b'orurembo, nibanyiriza abakazi ahabw'okwetenga kubi kwabo ahabwabo, nk'oku sitaane arikuha abakazi erangi y'okwesiga, n'okushara eishokye ryabo, kandi n'okubajweka ebijwaro bigufu munonga, n'ebintu nk'ebyo. Bo, n'ahabw'okwetenga kubi kwe okurofahaire. Okwo n'okusheeshura buzima, kwonka tindikumanya ogundi muringo gwona gw'okukigambamu.

50 Hati, nitumanya ngu engiri ya Sitaane n'engiri ya sayansa n'okutunguuka. Akagibuurira omuri Edeni; tari Ruhanga; Sitaane niwe yaagibuuriire, sayansa y'okutunguuka. Sayansa n'okutunguuka n'engiri ya Sitaane. Reeba ahu atuhikize nayo, eriizooba. Mwareeba?

Yetegyereze, akagibuurira omuri Edeni, ahari oha? Aha mugore wa Adamu. Kandi Haawa akabeihwabeihwa yaikiriza. Akamubeihabeisha okuhitsya obu yaabanganiise kimwe aha Bigambo bya Ruhanga. Reka tureebe ebi arikubaasa kuba yaagambire. Naateekwa kuba yaagizire ati, "Tikiri ekya sayansa okufa, omu kanisa egi erikwera." Nari, "Noija kutendekwa kandi oyegyesibwe, okutaikiririza omu bintu nk'ebyo by'obusHEMA nk'okufa. Tindikufayo n'obu Ekigambo kya Ruhanga kiraabe kyakigambire; n'obusHEMA."

51 Oo, mureebe eriizooba. "Ruhanga ni Ruhanga murungi. Ori omu kanisa Ye erikwera; ahabw'enki, torikubaasa kufa." Kwonka Ruhanga akagira ngu oryafa, kandi ekyo nikimara. Noomureeba eriizooba? "Oo, ba memba w'ekanisa kyonka. T'ebi orikukora, nari eki, kiri, nari kiriya. Fa kwija aha kanisa reero obe memba murungi kyonka. Kushara eishokye ryawe, orwo n'orwanju. Kandi n'okujwara ebijwaro bigufu munonga, n'okwesiiga erangi, n'okuza omuri zaadansi kuzina, n'okunywa otwarwa tukye rimwe na rimwe, tikikaakukora kubi, waaba otageemariiremu. Buzima, imwe baana 'mwe kuri nimuganywa, nikwo bakabona kwega yaaba bagakunda nari batagakunda." Ngugwo aho, ruhanga w'obusingye obu, obusingye obu obubi.

"Ruhanga ni Ruhanga murungi." Ekyo nkihuriire emirundi mingi okuhitsya obu ndikwehurira kubi. Ruhanga nabwo ni Ruhanga w'oburinganiza. Tari ishenkuru okuzire otakiine bwengye ou orikubaasa kukozesa eki n'eki, reero abajukuru be batagire kibi kyona. Ni Ruhanga w'oburinganiza n'oburikwera. Akakihamya omu kibanja kya Edeni, aha baana Be b'okubanza. Ku orikuguruka ogwo musitaari, gwa kimwe aha Bigambo Bye, noofa. Ekintu nikyo kimwe nikikora n'eriizooba.

52 Kandi yetegyereze, akabuurira Haawa engiri y'omuringo ogwo eya sayansa, etarikushasha, ey'abeegire, ey'entunguuka, kandi omugore wa Adamu yaagiikiriza. Kandi asingwire omu kwijuza ogwo orikweyeta omugore wa Kristo, ekanisa ya Adamu wa Kabiri, n'okuteera empaka nikwo kumwe. Ekyo kihikire.

"Oo, ti-tikiri ekya Ruhanga; Ruhanga ni murungi munonga tarikubaasa kukikora. Ahabw'enki, kasita oba nooza aha kanisa. 'Ku oraabe noikiriza.'" Sitaane aikiriza; tayehindura orikwikiriza, kureka aikiriza buzima. Tajunirwe. "Ku oraabe noikiriza." Ha!

Agambira omugore wa kabiri, nimmanyisa Omugore wa Kabiri wa Adamu, ekyo kimwe nk'eki yaagambiire ow'okubanza. Eky'okureeberaho, "Hati, okutamba kwa Ruhanga, tihariho ekintu nk'ekyo. Ekyo nitubaasa kukihamya. Tihakabahoga orakizire ohamiibwe." "Kandi oku kubatiza omu Iziina rya Yesu, hati torikumanya ngu niinye bushoboorozi bw'ekanisa?" nikwo arikugira. "Ekyo tukakitheza ahari Niika, Rooma," obu egoy myoyo mibi eshatu yaarugire omu kijoka, baanabi b'ebishuba, n'ebindi. "Nitwikiriza ngu hariho obushatu bwa Baaruhanga." Oo, bashaija 'mwe! Obwo n'obukaafiiri buzima. Otarihika omu maisho ga Ruhanga n'ekintu nk'ekyo, kugyezaho kwemerera omu Kubaho Kwe. "Oo, tikirikureetaho entaaniso yoona ku oraabatizibwe omu byeterero bya 'Isheboona, Omwana, Omwoyo Orikwera.' Nikireetaho ntaaniso ki?"

53 Kikareetaho entaaniso mpango munonga, okuhitsya obu Paulo yaaragiire ekibiina ky'Ababaputisiti ngu bakaba nibateekwa kugaruka bakabatizibwa omu Iziina rya Yesu Kristo Omwoyo Orikwera atakabaizireho. Kandi nabwo kikatuma egoy ntumwa yaagamba n'eiraka rihango, kandi yaagira eti, "N'obu maraika yaakuruga omu Iguru kandi akabuurira ekindi kintu, akyeenwe." Buzima, nikireetaho entaaniso. Oo, bagyensi!

"Tihariho ekintu nk'okubatizibwa n'Omwoyo Orikwera ebiro ebi. Okwo kukaba kuri okw'entumwa zonka. Kukahwaho. Kandi shi ekirikwetwa baanabi? N'okumanywa tikirikumanywa. Eby'amahano? Tibirikwikirizana na sayansa. Malaki 4? Ekyo kikaba kiri eky'obusingye obundi. Yohaana 14:12? Oo, ekyo buzima Yesu tarakimanyiise. Luka 17:30? Oo, ekyo kikaba kiri ekigano kwonka. Mwareeba, ki-kishoboroirwe kubi; kikaba kitari omu nshoboorora eyaabandize." Obushemwa nk'obwo!

Kunu Ruhanga ow'obushoborozi bwona arikushuuma ahagati yaitu kandi akakihamya. Ku agira, ati, "Yesu Kristo tahinduka, oku abaire ari nyomwabazyo n'eriizooba nikwo ari, kandi nikwo ariguma ebiro byona," ekyo Akihamya ku n'amazima. Tindikufayo orikukihakanisa; Ruhanga Ayeshoboororera Ekigambo Kye wenka. Akagira ngu Aryakora ekintu eki omu biro by'aha muheru. "Haryabaho Omushana omu bwire bw'omwabazyo." Kandi Omushana guriho, ahabw'okushuuurwa kw'Omwana wa Ruhanga.

54 Eizooba niryo rimwe eriturukira oburugwa-izooba niryo eizooba rimwe erirengyera oburengyerwa-izooba. Nabi akagira ati, "Haryabaho eizooba eritaribaasa kwetwa nyomushana nari nyekiro." N'ekibunda, ebicu, biri nk'ebishwekire eizooba. Kwonka akagira ati, "Nk'omu bwire bw'omwabazyo Omushana guryashuba gujwe." Omwana niwe omwe! Ni Alufa na Omega. Omwana niwe omwe owaaturukire oburugwa-izooba akaragurwaho ngu aryagaruka aturukire oburengyerwa-izooba, omu biro by'aha muheru, ekiro kitakahweire. Tindikumanya oku Bakishoboorora; Ruhanga Ayeshoboororera Ekigambo Kye wenka. Akihamya. Obu n'obwire bw'omwabazyo.

N'eky'obusaasi, kwonka buzima akagaruka yaabeihwabeihwa. Omugore wa Kristo akabeihwabeihwa, kandi yaatwara okumanya kw'obwengye bw'obuntu bw'ombuurizi nanka wa seminariyo omu mwanya gw'okwikiriza Ekigambo kya Ruhanga ekihamiibwe, ekishemeire.

55 Hati baheereza 'mwe okwo omu ihanga ahu muri hoona, nimubaasa kuhakanisa Eki. Tindikubasaasa. Ningyezaho kwonka ku... Ningambira ekibiina kyangye kyonka. Ningyezaho kusha... Ku muraabe nimwenda kushutamamu, buzima nimbashemerererwa imwe Kubuhurikiza. Reero Mubuhurikize. Mwareeba? Kwonka nimbagambira kwonka eki baine-eki bareebire, kandi n'okukibooreka; Ruhanga naakihamya, ngu kihikire. Mwareeba?

Egi niyo shaaha. Tikirikwetaagisa omuntu weena Kukishoboorora. Obwengye bwawe bw'ensi tibwine ekintu kyona... Noobaasa kuba oine diguri ya B.A., D.D., A.D., nari eki kyakuba kiri kyona; tikirikumanyisa n'obu kyakuba ekintu kimwe. Ruhanga ashoboorora Ekigambo Kye, We wenka. Akakiraganisa, mbwenu nkiki hanu.

Kwonka ahabw'obwengye bwa seminariyo, okubuurira kw'ebigombe by'amadiini, "bireeteire ensi yoona kutangaarira enyamaishwa eyaakizire obuhuta bw'okugiita," kuruga omu bupagaani kuza omu bwapaapa. Nimureeba ei ogwo mugore arikuhereerukira? NaakiKiriza. Nakiriza obwengye obu ekigombe ky'ediini kirikumugambira.

56 Kiri ngu, hati reeba, kiri ngu abagore bombi abagambirwe obugyenyi bakaikiriza obwengye bwa Sitaane omu mwanya gw'Ekigambo kya Ruhanga. Omugore wa Adamu akaikiriza obwengye bwa Sitaane omu mwanya gw'Ekigambo kya Ruhanga, mbwenu n'omugore wa Kristo aikiriize obwengye bwa Sitaane, omu busingye obu obubi bw'okumanya kw'obuntu, omu mwanya gw'Ekigambo kya Ruhanga.

Kandi yetegyereze. Haawa, omu mbeera y'obutoosha, akakiKiriza, kandi yaaroha oruganda rw'abantu rwona omu kufa. Omugore w'obutoosha! Adamu, omuntu w'obutoosha w'ensi; omugore we, atakamuhikireho, kuba omukazi we, akaroha oruganda rw'abantu rwona omu kufa. Yaaba kiri ekyo sayansa nari kitarikyo, nabwo nikyo kimwe nitufa, 'habw'okuba Ruhanga akagira ngu turyafa.

Yaaba ori omuri Edeni erikwera, nari ekanisa erikwera, nari ekigombe ky'ediini ekirikwera, nari eki kyakuba kiri kyona, noija kufa eizooba eri oriba otaikiriize Ekigambo kimwe aha Kigambo kya Ruhanga ku n'Amazima, kunu Kyorekirwe kandi kihamibwa ahariiwe. Ekyo nikyo kiro eki orikwetaanisa na Ruhanga. Ti kibazo kyona; Ekigambo kimwe. "Weena oryongyeraho ekigambo kimwe, nari akacwaho Kimwe," ekyo nikyo kiro eki orikufeeraho.

57 Yetegyereze, omugore wa Adamu akareetera oruganda rwe okufa kw'obutoosha, oruganda rw'abantu.

Kandi omugore wa Adamu wa Kabiri, omugore wa Kristo ogambirwe obugyenyi, arohire ekanisa yoona omu kufeera omu kigombe ky'ediini, kutwara akamanyiso k'enyamaishwa, okurabira omu bigombe by'amadiini bihango ebya sayansa, n'obwengye bw'obuntu. "Turi Ababaputisiti. Turi Abapuresibateeri. Turi Abapetekoote," n'ebindi. "Twine eki, twine eitungo ringi munonga. Itwe, nitumanywa na gavumenti. Turi hoonahoona omu nsi," n'ebindi byona nk'ebyo. "Kandi abarikukirayo oburungi, na meeya w'orurembo, n'abandi, baija owaitu. Nangwa na Purezidenti aija kutunga misa naitwe, kandi twija ahari eki, kiri, nari kiriya." Ensi yoona erohirwe omu kufa kw'omwoyo, kw'ebigombe by'amadiini; ekanisa yoona. Efiire!

Noogira oti, "Waaza hare munonga."

Yesu akagira ati, "Nk'oku kyabaire kiri omu biro bya Noa, ei abantu munaana baakiriiremu, nikwo kiriba aha kwija kw'Omwana w'omuntu." "Omu biro bya Looti, ei bashatu baihirwe omuri Sodoma, aha kiro ekyo . . ." Hati hariho ekibiina ekyaherize kurugamu, mwijukye. "Kwonka nk'oku kyabaire buri, obu Omwana w'omuntu ariba naashuururuwa." Reeba ka n'ekiro, reeba ahu tutwire!

58 Hati ogwo mugore areeteire ensi yoona kwakiira obwebembezi bwa sayansa obwa puroguraamu z'obwegyese ezi Sitaane amuhaire ahansi y'eiziina ry'ekanisa, obwebembezi bw'ebi'obwegyese, bwa puroguraamu za sayansa. Nimbooreka ruhanga w'ensi egi.

Obu we, nka Haawa, buzima yaabaire aine okwijura kw'Ekigambo kya Ruhanga omu ngaro ze, akaba naabaasa kukwata Ekigambo kya Ruhanga. Kwonka Ekyo akakikora ki? Omu mwanya gw'okurindirira okubatizibwa kw'Omwoyo Orikwera, akaikiriza sayansa kumuhamiza ngu Omwoyo Orikwera akaba ari ow'entumwa zonka.

Omumwanya gw'okutwara omu maisho okutamba kwa Ruhanga, obu ashemereire kuba hati naazoora abafu kandi naakora n'ebi'amahano bikuru; aikiriize Sitaane, ahansi y'obwebembezi bwe bw'omuntu w'omunyadiini, kukwata Ekigambo kya Ruhanga kandi n'okugyezaho kugira ngu Kikaba kiri eky'obusingye obundi. Kandi nawe aikiikiriize.

59 Kunu, Baiburi yaagizire eti, "Ebintu ebi Nkora naimwe muryabikora." Yesu ekyo akakigamba. "Mugyende omu nsi zonna mubuurire Engiri ebihangirwe byona." Na hati tukiri ebihangirwe. "Obumanyiso obu buryaguma nibukuratira buri omwe omuri abo abarikwikiriza." Naahakanisa buri kimwe ahari Ebyo.

Ayehakana ebirengire eby'obuhangwa byona, kandi Akakihingaana n'obwengye bwe bw'obuntu bw'okumanya Baiburi; ahu abasaserdooti, na tataitwe orikwera omuri Ruhanga, oku babeeta, ahu babishopu, ba acibishopu, ahu abakuru b'ebiyanga, baishebareeberezi bakuru, n'abandi, Bakishoboroire nk'oku barikweyendera. Kandi Ruhanga abatsigireho, bashutami aho, bafiire nk'eitumbi rya nyekiro.

Kandi ekintu kyonka ekitsigaire omu biro by'aha muheru n'ekibiina kikye ky'Abapentekoote ekiine ebizino ebi barikuzina bacamukiriire munonga nk'oku barikubaasa, nibakanga oku n'oku omu kishengye, nibagamba omu ndimi kandi nibateera orwari, "kandi baine enshusha y'okutiina Ruhanga, kwonka bahakanisa Ekigambo kye." Bagambire kubatizibwa omu Iziina rya Yesu Kristo; nibakushekyerera butunu. Kwonka, ekyo, Ruhanga agumizamu buzima nk'obunyakare, naahamya ku Ekigambo Kye kiri amazima.

60 Yetegyereze, omuti ogu Sitaane yaatumire Haawa yaaryaho, gukaba guri "omuti gw'okumanya oburungi n'obubi." Gukaba guri omuti gw'ekijwangye.

Hati reeba obwire obu tutwiremu, obu Arikweta omugore kurugamu. Aine ekanisa erikugira ngu neekora ebirungi, kunu eri mbi, ahabw'okwehakana Ekigambo. Omuti gw'ekijwangye. Oo, nimugira muti, "Ba-baine ebibiina by'abeeteeraine bihango. Ni-ni-ni-nibayamba eki. Kandi n'ekibiina ky'Omusharaba Ogorikutukura nikikishagika. N'amashomero goona, bo . . . Reeba hanu!"

Oo, kwonka yehakane Ekigambo kimwe kyonka, nikyo kyonka eki orikuteekwa kukora kugira ngu ofe; n'obu kyakuba kiri eky'obwengye oburikwingana ki, kiri kirungi kita. Yesu akagira ati, "Akatumisa kakye katumbisa ekiihuro kyona." Akacweka kamwe k'ekitumbisa kashiisha ekiihuro. Ekigambo kya Ruhanga kimwe, ekiteirwe omu mwanya ogutari gwakyo, kishiisha ekishushani kyona. Kikaaba kita omukono gwangye ku gwakuba ahu ekigyre kyangye kishemereire kuba? Mwareeba? Kandi shi okutu kwangye ku kwakuba kuri ahansi hanu ahu engaro zangye zishemereire kuba? "Akatumisa kakye katumbisa ekiihuro kyona."

Noogira oti, "Nookimanya ota ngu Kihikire?" Ruhanga Akihamya ku kihikire. Akyoreka. Akakigamba hanu omu Kigambo, bwanyima Akihamya. Okwo nikwo turikumanya yaaba kihikire nari kitahikire.

Okwehakana Ekigambo kimwe kyonka nikyo kirikwetaagisa kugira ngu ofe. Ebirugiremu nibyo bimwe ebi kireetsire omu busingye obu obubi, kufa kw'omwoyo, nk'oku kyareetsire okufa kw'omubiri aha ruganda rwona rw'abantu.

61 Yetegyereze oku Sitaane yaatumire obwo busingye bwa sayansa enyima okwo, obwa Noa, bwayegamira okwetegyereza kwabo ahabwabo. Ha! Baiburi neetugambira, omu kitabo ky'Enfumu eti, "Turekye kwegamira okwetegyereza kwaitu ahabwaitu." Kandi, "K'ekigambo kya buri muntu kibe ekishuba, kwonka ekya Ruhanga kibe amazima." Kwonka Sitaane, ahabw'okumanya kwe, kuruga omu kutandika omu kibanja kya Edeni, akareetera

abantu okwegamira okwetegyereza kwabo ahabwabo. Kandi, nimumanya, okurabira omu makorero ge mahango ga Max Factor agu yaabaire aine enyima okwo, akatuma abakazi baaba barungi munonga kyareetera abaana b'abantu . . . nimmanyisa, abaana ba Ruhanga, kugwa omu kibi n'okubashwera. We . . . Abakazi bakaba baboneire munonga, bari barungi munonga.

Hati teekateeka aha mukazi w'obutoosha omu ruguuto rw'omu rurembo eriizooba. Baingi omuriimwe mukashoma ekyo kitebyo; timurakihuriire, 'habw'okuba n'ekya ira. Pearl O'Brien, ni bangahi abaramuhuriireho? Buzima. Niwe ou baabaire nibagira ngu n'omukazi orikukiraylo kuba murungi omu nsi. Kwonka, tiharilo omwana muto ow'eishomero n'omwe orikuza aha ishomero eriigyenda otarikumweshumba kabiri omu kuba murungi. N'ahabw'enki? Oburungi bw'abakazi n'obw'okubaho omu biro by'aha muheru.

Bashazire eishokye ryabo. Babajwekire otujwaro tw'abaishiki bato. Nibajwara ebijwaro bigufu munonga, n'obureega n'otuhare tukye tw'okwogyeramu, oku murikubyeta kwona, nibabijwara. Nibeesiiga erangi, hamwe n'erangi y'aha minwa, n'ebintu ebi byona ebindi, kubahindura ekintu eki batari. Mwareeba? Kwonka okurabira omu kumanya kwa sayansa babaasize kuhika ahari eki. Nimumanya ngu hariho esente nyngi munonga ezirikukozesibwa omu kunyiriza abakazi okukira eziri, omuri Amerika, emirundi ebiri nari eshatu okukira ezo, ezikozesibwa ahaby'okurya ebi turya? Ekyo kihamye, ekyo kihikire, ahaby'okunyiriza.

62 Yetegyereze, "Abaana ba Ruhanga bakareeba abaishiki b'abantu," batari baishiki ba Ruhanga, "abaishiki b'abantu, bari barungi," kandi kikatuma abaana ba Ruhanga baagwa omu kirikuhabya eki. "Kandi batwara abakazi b'omuringo ogwo kandi baabashwera," reero kyareetaho obusingye bw'obushambani, nk'oku kiri eriizooba; nk'oku kyabaire omuri Sodoma, nk'oku kihanwirwe kuba eriizooba.

Ekyo, kunu abashaija n'abakazi b'ebiro ebi nibahingaana abakazi. Ku barikuba batarikwenda omukazi ogu, ni-ni nibaza Reno, Nevada, reero bashwera; kandi, nari baikirizibwa kushenda, ogu, reero bashwera ogundi murundi omu dakiika ikumi na itaano. Kandi abakazi nibarungi munonga okuhitsya obu haihi kigumire kubeezibira. Beitu niki? Sitaane! Nimureeba Sitaane ku akiri omu burungi? Yetegyereze.

Yetegyereze, ekyo kibi tibarakisaasiirwe na kakye. Obwo busingye, burungi bwa sayansa nibwo busingye bwonyini obubi obu Ruhanga yaahwerekyereize akabumariraho kimwe aha nsi; obwo busingye burungi, bwa sayansa. Yesu akagira ngu nikija kuba kityo ogundi murundi Omwana w'omuntu atakaizire. Ekyo kihikire? Yetegyereze, Yesu akagira ati, "Nk'oku kyabaire kiri omu biro bya Noa, nikwo kiriba Omwana w'omuntu ku ariija," obu boona baagyerizeho kushwera . . . Hati reeba, "Abaana ba Ruhanga bakashwera abaishiki barungi b'abantu," kandi Ruhanga tarakibasaasiire na kakye.

63 Nikyo kimwe nk'okwegyesa kwa Balamu, oku yaatumire abakazi barungi, b'obwengye b'abanyasayansa ba Moabu ku . . . n'amaisho gaabo agarikusoonasoona, erangi z'abo bakazi na zaapauda, emigaju yaabo mirungi, kushendashenda abaana ba Ruhanga; kubaiha aha bakazi baabo abaabaire nibakora reero bakatunga entuutsya omu ngaro zaabo, bateesiigire erangi. Bakabasoonasoona, reero bat, "Reka tushwererane, ahabw'okuba twena turi abantu bamwe." Ekyo kikaba kiri ekishuba! Kikaba kiri e-ekishuba, kandi omurimo gwa sitaane, kutuma abaana ba Ruhanga baataasya a-abaishiki b'abantu.

Kikaba kiri ekishuba kya sitaane, ahabwa Balamu, nabi w'ebishuba ogwo, kugyezaho kuhanuura naahakanisa Musa owaagyerizeho kukwatirira hamwe orwo ruganda; kugira ati, "Mpaho, nitwikiriza Ruhanga omwe. Tuhayo ebihongwa ebirikushushana. Twine ebitambo ebirikushushana. Buri kintu tukikora omu muringo ogurikushushana."

"Nibashushanira kimwe okuhitsya obu barihabisa n'Entoore kyaba nikibaasika." Mwareeba? [Omwanya oguriho busha aha rutambi rw'amaraka -Omur.] Mubarugyemu, bantu 'mwe! Timwine kakwate nawe !

64 Yetegyereze, kikaba kitarikubaasa kubaho kugira ngu Ruhanga abaase kushoboororera obusingye bwa Kaini obubi Ekigambo Kye. Ngaaha. Ruhanga akaba atarikubaasa kubashoboororera Ekigambo Kye. Yetegyereze . . . [Omwanya oguriho busha aha rutambi rw'amaraka -Omur.]

Ruhanga, obwengye obwo bw'okukora ensi kuba nungi munonga kandi ey'ekibi, Akaba naateekwa kugihwerekyereza? Hoona Ruhanga akaabaasa kukora ekyo, ensi kugikora nungi munonga; reeba hanu, Ruhanga akaanyiriza munonga abaishiki Be, kandi abajweka eby'obwamaraaya, kugira ngu abaana Be babeetengye haza bashambane? Enki? Ruhanga akaakora ekintu nk'ekyo?

Ekibiina eki ekijawire busha, ekijawiremu ebijwaro eky'Abalaodikea, abarikuramya ruhanga w'ensi egi, okurabira omu mitwarize yaabo y'okutwaza gye, n'obwengye, n'oburungi! "Mururugyemu," Baiburi nikwo erikugira, "mutakaakwatanisa narwo omu bibi byarwo, mukaheebwa ekifubiro ky'ebirikwija kurubonabonesa." Ruhanga naija kugwisa orubaare kuruga omu kaabunga ekiro kimwe, buri rubaare rwine oburemeezi oburikwingana nka paunda igana, kandi aryaruhwerekyereza omu buryo bw'okuruteera amabaare; nk'oku Ekigambo Kye obutoosha kituura nikigamba ngu Aryakora, ebiragiro Bye.

Mpaho, Ruhanga ku yaakukora ekintu nk'ekyo, akashuuruurira abantu nk'abo Ekigambo Kye, Akaaba naahakanisa ekigyendererwa Kye. Ruhanga tari mushema. Niwe bukomooko bw'obwengye bwona.

Mbwenu nooreeba ei ebintu ebyo byarugire? Bikaruga ahari Sitaane, kandi bikiri ebya Sitaane. Kandi ekanisa ebiikiriize.

65 Hati nimureeba, bakazi 'mwe, ningyezaho nk'oku ndikubaasa kubooreka Ekigambo kya Ruhanga. Baiburi neegira ngu, "Omukazi ku arikushara eishokyе rye, naaba ahemwire omutwe gwe," ogwo n'omushaija we. Kandi omushaija we niwe mutwe, hamwe na Ruhanga, n'ahabw'ekyo naaba ahemwire Ruhanga hamwe n'omushaija we.

Hati eki nikyoreka ori omutwe gw'entwaza y'ekanisa y'ensi egi. Ekyo nikyoreka ori omutwe gwayo. Ni Sitaane, omu nshusha y'omuntu w'eidaara ry'ahaiguru munonga, omuntu omunyabwengye, obwengye bw'ahaiguru munonga. Naamanya munonga okukira abandi boona. N'obu Ekigambo kyakugamba ki, we-we aine oku Arikukishoboorora, mwareeba, okushoboorora ahabw'obusingye obu obubi.

66 Yetegyereze puraani ze z'okwombeka ekanisa y'ekigombe ky'ediini y'amaani munonga, Orukiiko rw'Amakanisa g'Ensi, waareeba, ekigombe ky'ediini ky'amaani munonga, kugira ngu ensi yoona emuramye, egyo nyamaishwa, ahansi y'eiziina ry'okwegaita kw'Obukristaayo. Nimwenda kukishoma omuri Baiburi? Okushuuruurwa 13:6 na 8. N'omunaara gw'omutindo gw'eriigyenda gwa Babeeli.

Timurikwijuka oku Nimuroodi, egyo ndyarya, yaayombekire omunaara ogu muhango kandi akatuma ezindi ndembo nkye zonna zaagureetamu emitijo? Akayogorekano na Babeeli n'ekintu kimwe. Ekiruhinduka n'amaziina gaagwo gonka, kandi, n'oku gurikuba nigorugayo. Ogwo munaara ni, Rooma hati ni Babulooni. Kandi ensi yoona etweirwe Babulooni, kandi etweirwego Orukiiko rw'Amakanisa g'Ensi orurikwija kutuma buri omwe omuribo yaagiramya. Kandi waatungire akamanyiso k'enyamaishwa, otarikumanya eki obaire nookora. Ahabw'okuba . . .

Kwonka abo abaatoorainwe nibaija kuhurira Ekigambo kandi barurugyemu.

67 Ekigombe ky'ediini ka nikihakanisa Ekigambo kya Ruhanga! Takagirahoga na kimwe, n'obu kwakuba okukorera omuri kimwe, kandi takakwatanisaga na kimwe. Niinyenda ow'ebafaayo omwe anyorekye ahantu hoona ahu nabi ararugire omu kanisa. Nyoreka ahu Ruhanga arahaire ekanisa omugisha eyaabaire . . . ahanyima y'okwekoramu ekibiina. Ekaba eza omu materekyero reero efa, n'obwengye bw'obuntu kuruga ahari Sitaane, okurabira omu beebeembezi baayo, reero eyanga Ekigambo kya Ruhanga obwo eriyo Neekura kuhika aha rugyero oruhikire rwa Kristo. Hati eri aha mutwe. Ka nikihakanisa!

Mwetaanise na Haawa ogwo otarikwikiriza, imwe baana 'mwe b'Omushana gw'omwebazyo!

Sitaane, ruhanga w'obusingye obu, ahabw'obwengye bwe, naareetera abantu kurya aha muti gwe gw'ekijwangye ogw'okumanya oburungi n'obubi. Yetegyereze, Sitaane, ahabw'obwengye bwe, naatuma abantu b'obusingye obu obubi baarya aha muti gwe gw'okumanya oburungi n'obubi. Naagira ngu naayombeka Obukristaayo obugunjukire okukiraho, ahabw'obwengye bwe bw'okumanya oburungi n'obubi, Obukristaayo obugunjukire okukiraho.

Kwonka Omwishiiki mukye oshugaine wa Kristo, Kigambo, Obusyo, Omugore, tarikuta omutima aha bwengye bwe. Ogwo mugore, naayerinda, sitaane. Niki . . . Hati, ka Tumugambeho, akaanya kakye. Naategyereza Mukama We n'okwarama Kwe kw'okutegyeka kwa Kristo kw'emyaka Rukumi, ekyo kihikire, hamwe na Kishwera Kigambo, nk'oku Ari Omugore Kigambo.

68 Okumanya n'okuhutuuka, hamwe n'Obukristaayo bw'amazima, tibiine kakwate. Okuhutuuka, hamwe n'Obukristaayo bw'amazima, tibiine kakwate koona.

Okuhutuuka n'ahabw'obwengye. Ekyo twena nitukimanya. Kandi obwengye bukaruga omuri Edeni, akakihama, ahabw'eki yaabuuriire omuri Edeni. Kandi obwengye bureeta okufa. Tikwo kiri? Ekyareetsire okufa omuri Edeni niki? Obwengye. Kandi tiburikubaasa kuba obwa Ruhanga, n'ahabw'ekyo n'obwa sitaane. Hyu, ekyo ka ni kirungi! Obwengye, sayansa, obwegyese, n'ebiteeza ntsibo ebirukukirirayo kimwe ebi Ruhanga aratungire. N'ebya sitaane.

Hati ninza kutunga amabaruha ahari ekyo, ninkimanya. Ngategyereize.

Reeba eki emicwe n'emitarize y'abantu bitutaahizemu hati. Waareeba? Reeba eki bikozire. Turi nkahi? Twegamiire ebyo bintu, okurabira omu kwetegyereza kwaitu ahabwa sayansa yaitu.

Noogira oti, "Kandi shi Ruhanga, nooteekateeka ngu Tarikumanya?" Oo, ngaaha.

Ruhanga aryataho okuhutuuka kw'omuringo Gwe omu nsi, ku Ariza aha ngoma kugitegyeka. Egi n'ensi ya Sitaane; hati ni ruhanga w'ensi ye y'okumanya kwa sayansa. Kwonka Ruhanga naaza kutaho okuhutuuka kw'omuringo Gwe. Tikurikuza kuba okuhutuuka nk'oku. Ekyo mugume nimukijuka. Tikurikuza kuba okuhutuuka kw'omuringo nk'ogu twine eriizooba. Ngaaha, ngaaha. Nikuza kuba nk'oku Ekigambo Kye kirikugira kandi n'ekigyendererwa Kye. Ahakuba, ruhanga w'obusingye bwa hati obubi aryacwekyerezibwa, hamwe n'obukama bwe.

69 Obusingye obu bw'omutindo gw'eriigyenda oburukukunda obwengye tibukaabaire nibubaasa kutunga

omwebembezi orikukira ogwo ou baine, Sitaane, orikukiikamya Ekigambo kya Ruhanga, nk'oku yaatandikiire omu kibanja kya Edeni, kureka omunyadiini orikwesiga okwetegyereza kwe ahabwe.

Nk'oku naagambire enyimaho, Enfumu 3:5, nti, "Turekye kwegamira okwetegyereza kwaitu ahabwaitu."

Nibateekwa kugira ruhanga, ahabw'okuba n'abantu. Beitu nabwo, abakorera eki barikwenda. Aha ky'okuba omuntu, obutoosha, abantu boona . . . Obu twaija hanu, tukashanga Abahindi nibaramya ebishushani, n'eizooba, na buri kintu. Nk'abantu, nibateekwa kugira ruhanga. N'ahabw'ekyo obusingye obu bukur bw'obwengye bw'obuntu nibuteekwa kugira ruhanga, n'ahabw'ekyo buhindukire . . . ruhanga w'ensi egi ahindukire obwengye, ekigombe ky'ediini, sayansa, "baine enshusha y'okutiina Ruhanga, kwonka bahakanisa Amaani ge."

70 Yetegyereze, ruhanga waabo abakorera eki barikwenda. Nibarigira kubi omubiri, kandi ebyo nibyo arikubaha. "Nibenda kujwara obureega n'otuhare tukye tw'okwogyeramu. Reka bazijware. Ku baraabe nibenda kukora eki nari kiriya, reka bakikore. Tikiine nshonga kukikora; baza aha kanisa. Nyinabo akaba ari Omumetsodisiti, Omubaputisiti, Omupentekoote, Omupuresibateeeri. Barekye."

Ogwo niwe ruhanga w'obusingye obu; orikwetegyereza, omunyabwengye, omunyasayansa. Tikirikwetaagisa okwikiriza kwona. Tikirikwetaagisa kuhamya ekintu kyona. Kyaherize kuhamibwa, n'obwengye bwabo. "Mbwenu, turi ekanisa erikukirayo obuhango omu tauni," obwengye bwabo. "Omuriisa waitu aine diguri ya D.D., Ph.D." Mwareeba, tibarikwetenga okwikiriza kwona; nibeegamira obwengye. Naabaikiriza kutuura amagara ga buri muringo, kasita baija kumuramya omu kigombe ky'ediini kyabo n'enyikiriza. Ndiryo aho eriisho rihango erihutaire, kwonka kireebe.

Bashekyerera Ekigambo kya Ruhanga, barikugamba ebintu ebirikuhananisa Ekigambo; kandi bagyezaho, n'obwengye bwabo, kuhamya omu buryo bwa sayansa ngu Ekigambo tikiri ky'amazima. Oo, ka n'obusingye obu tutwiremu! Nimureeba Ruhanga w'obusingye obu?

71 Yetegyereze, kwonka Ruhanga arindiriire okuhitsya obu ebibi by'Abaamori aba ab'omutindo gw'eriigyenda biraakanye bikarengyesereza. Mutafayo, Naija kuba yaaherize kutebeekanisa Musa We obwire obwo. Nihaza kubaho okuruga, ekiro kimwe, kuza omu nsi eyaaraganisiibwe. Musa aryaija, oraije kugamba n'eiraka rihango ati, "mugarure busya Okwikiriza kw'abaana aha bazaar baabo." Nikiza kubaho, kimwe aha biro ebi. Tiki . . .

Nimugira muti, "Mpaho, reeba oku turikutunguuka."

Buzima, ebibi by'Abaamori tibikakanyire bikarengyesereza. Nikiza kubaho, kimwe aha biro ebi. Reka beehwerekyereze bo bonka.

Okuhutuuka, obwengye, bikiikamya Ekigambo kya Ruhanga kugira ngu bakore ebi barikwenda. Buri kigombe ky'ediini kikora ekintu nikyo kimwe. N'ahabw'ekyo Sitaane abuurira engiri ye y'obwengye omu kanisa ye.

72 Hariho abantu b'ebika bibiri byonka abagambirweho omu Ndagaano Ensy. "Abaana ba Ruhanga, n'abaana ba Sitaane." Ekyo mubaire nimukimanya? Nimwenda kuhandiika Ekyahandiikirwe ahari ekyo? Yohaana y'Okubanza 3:10, ku muraabe nimwenda ekyo Kyahandiikirwe. Ninkishoma hanu hanu, nkihandiikire. Nikwo. Nikwo.

Omukitabo ky'Abaefeso 2:2, nibeetwa, "abatarikuhurira." Nk'oku Haawa yaabaire ari, abatarikuhurira Ekigambo kya Ruhanga. Abarikuhurira, n'abatarikuhurira, tibaine kakwate.

Kyaba kiri kityo Omugore wa Kristo naabaasa ata kukwatanisa n'ekigombe ky'ediini, kunu omwe atarikuhurira kandi ondijo arikuhurira? Kimwe, nikibaasa kita kuba Ekigambo; kandi ekindi kiriya, ekigambo ekikiikami? Maraaya hamwe n'omukazi oschemeire nibabaasa bata kugyenda hamwe baikirizaine? Tibarikubaasa kukikora. Tibarikukwatanisa na kakye. "Mubirugyemu!" N'ebya Sitaane. N'akamanyiso k'enyamaishwa. Niko birikutaahamu hati; ebigombe by'amadiini byona. Tindikufayo n'eky'oha.

Ruhanga naatwara, ti kigombe ky'ediini, "abantu ahabw'Eiziina Rye." Ekigombe ky'ediini tikirikubaasa kwikiriza Amazima aga. Nikiza kwetaagisa omuntu okwe ogwo orikubaasa kureeba Ruhanga, akareeba Ekigambo Kye kandi Akakiikiriza, kandi atabe memba w'ekibiina kyona; kureka akatuuraho ahabwa Ruhanga, atari ahabw'ekibiina kye, obwengye bw'okumanya kw'obuntu bwa bishopu nanka nari ekintu nanka ekyegyeise ekyo. Ekyo kihikire.

73 Abatarikuhurira, hamwe n'abtarikuhurira, tibaine kakwate na busha. Omwe owa . . . n'ow'eizooba ry'Omushana; ondijo, n'ow'ekiro n'omwirima, obusingye obubi, obusingye obu obubi bw'omwirima, emyanya y'okunyweramu n'okushemerererwamu nyekiro, amazina, kwonka nabwo bagume bari baamemba b'ekanisa. Tikiine nshonga ahari ruhanga waabo. Tibaine ekirikubanshija aha bikwatiraine nakyo; tihaine ekirikubateganisa.

"Ahabw'enki, tikirikunshinja naashara eishokye ryangye," omukazi nikwo yaagizire. "Tindikucumitwa omu mutima." Taine eiraka ry'omunda nk'oku enjoka etaine enyugunyu. Ekyo kihikire. Buzima tariine. Tarikumanya eiraka ry'omunda. Rikasiriizibwa munonga okuhitsya obu atakimanya n'eki riri. Ekyo kihikire.

Nibagyendagyenda, barikuribatirira Ekigambo kya Ruhanga, nibagira bati, "Ahabw'enki, ogwo n'omugurusi w'omutindo gwa kare. Otazayo; n'ekibiina ky'abarikuteera orwari hamwe n'okukyamukirira, oku bari. Tibaine eki barikumanya ahari Ruhanga nk'oku Omutuurple wa Afrika y'amashuma atarikumanya oku nyekiro ya Misiri eshushana. Ekyo kihikire. N'amazima.

"Baine enshusha y'okutiina Ruhanga, kwonka bahakanisa Amaani ge; abantu nk'abo obeetantare. Ahakuba omuri abo harimu abashoobokyera omu maju, bakahamba abakazi abataine mutima."

"Oo, mukundwa, ori, oshemereire kukora eki. Oo, mukundwa, ninteekekuka ngu omubuurizi waanyu okuzire w'omutindo gwa kare eifo okwo, ku ora . . . Oo, okaareebeka gye ku waakujwara 'akareega n'akahare kakye k'okwogyeramu'" nari oku murikweta ekyo kintu. "Iwe, kuri nookora ebi byona, biri, hamwe na biriya. Ahabw'enki, esigara nkye tekaakora kubi omuntu weena. Ndi memba w'ekanisa, kandi noomanya ngu ekigombe ky'ediini kyaitu nikisiimwa nk'eb'yabandi byona." Otaikiriza ekyo kishuba ekya ira ekisiigirwe erangi. Naakubeiha. Ekyo kihikire. Eego, sebo.

74 Tikiine nshonga ahari ruhanga waabo. Oo, naateekukeka ngu ekyo ni kirungi munonga, kandi ekyo nibakimukundira.

Mugyenzi, nibakuteeza empaka. Nibeemerera bahamize kandi bakikuteezeho empaka. Ahabw'enki, buzima, Sitaane akeemerera omu maisho ga Yesu Kristo, Kigambo, reero yaagyezaho kugira ati, "Kikahandiikwa."

Kandi ngugwo Akaba ari aho, Ekigambo kya Ruhanga ekyorekirwe. Akagira ati, "Garuka enyima Yangye Sitaane!" Gyenda kandi okore ekintu nikyo kimwe.

Nk'oku rimwe omuntu yangambiire, akagira ati, "Hati, ku oraabe noikiriza ngu okubatizibwa kw'Omwooyo Orikwera kuhikire, kandi orikwikiriza ngu Omwine," ati, "hati mpumya amaisho." Ogwo akaba ari omubuurizi. Ati, "Mpumya amaisho!" Yaagira ati, "Paulo akahumya amaisho g'o-g'omuntu eizooba rimwe."

Naagira nti, "Sebo, nimbaasa nta kukuhumya amaisho kunu oshangirwe ori empumi? Nimbaasa nta kukwita kandi waaherize kufa?"

Yaagarukamu ati, "Nyowe amaisho gangye gari gye munonga!"

Naagira nti, "Ekicweka kyawé ky'omubiri; kwonka nabwo okiri empumi."

Ati, "Tikirkubaasika! Baiburi teeshoboorora ebintu. Tugamba ahu Baiburi erikugamba, kandi tuhunama ahu Ehunami."

75 Naagira nti, "Kare, Eliya obu yaabaire ari-ari Dosani, waareeba, eihe ryona ry'Abasiria rikaija ryamwehinguririza. Reero omuheereza yaija nairuka, yaagira ati, 'Ai bambe, taata!' Ati, 'Taata,' ati, 'Abasiria batwehinguririize.'

"Eliya akasiimuura amaisho ge, yaimuka reero yaagira ati, 'Abari hamwe naitwe ni baingi okukira abo abari hamwe nabo.'

"Yaagira ati, 'Tindikureeba omuntu weena.'

"Eliya yaagira ati, 'Ai Ruhanga, igura amaisho ge.' Hati, akaba ahumire. Kandi yaareeba embaju zoona okwehinguririza ogwo nabi w'omugurusi, hamwe n'aha migongo; hakaba hajjireho Baamarai, n'ebigaari by'Omuriro, n'embaraasi z'Omuriro.

"Reero yaarugayo, kandi Baiburi neegira ngu, 'Akabahumya amaisho.' Baahuma ahari ki? Ahariwe. Akarugayo, yaagira ati, 'Nimuronda Eliya?'

"Eego, niwe turikuronda.'

Eliya ati, 'Mwije, ninza kubooreka ahu ari.' Eliya naabebembera kubatwara ahari Eliya. Empumi!"

Naagira nti, "Noomanya eki naaza kukugambira? Buzima ekyo kyonyini eki Mukama wangye yaagambiire sho, 'garuka enyima yangye.'" Ahaa. Ahaa.

76 Yetegyereze, abarikuhurira, n'abatarikuhurira, tibaine kakwate koona. Abatarikuhurira baramya ruhanga waabo. "Oo," nikwo barikugira, "nitwikiriza Baiburi." Eego, n'omuti gw'ekijwangye; Mwareeba, Nibakyongyeraho ensi n'obwengye. Omuti gwa Sitaane, gw'ekijwangye; mwareeba, omukazi akarya aha muti gwa Sitaane, oburungi n'obubi. "Oo, nitwikiriza Ekigambo." Buzima, kwonka ti Kyona. Haawa akaikiriza Ekigambo, nawe, beitu yaikiriza-yaikiriza Sitaane kutwara omuti gwe reero Yaakikiikamaho kakye. Okwo nikwo kiri.

"Weena oribyongyeraho ekigambo kimwe, nari Akacwaho Ekigambo kimwe." Tahinduka, oku abaire ari nyomwabazyo n'eriirooba nikwo ari, kandi nikwo ariguma ebiro byona! Yetegyereze. Ni kirungi.

77 Obusingye obu obubi n'obw'omwirima, beitu nabwo ni baamemba b'ekanisa. Ruhanga waabo, nibakimukundira, omuringo ogu arikubareka bakatwazamu. Tibaine ky'okubashinja. Tihaine ekirikubateganisa

baaba bari baamemba b'ekanisa.

Balamu akeegyesa ekanisa ekintu nikyo kimwe. "Reka twegaite; twena turi bamwe." Kukaba okubeihabeisha kw'aha muheru. Ruhanga tarabasaasiire ahabw'okwikiriza ekishuba nk'ekyo.

Mwijke, kikaba kiri ekibi ekitarikubaasa kusaasirwa, emirundi eshatu omuri Baiburi, aha muntu weena okwongyeraho ekigambo kimwe ky'okushoboorora nk'oku arikweyendera Ekigambo kya Ruhanga ahanyima Yaakyo kuhamibwa ku gari Amazima.

Omu kibanja kya Edeni, honyini, omu kibanja kya Edeni, ekigambo kimwe ekyayongyeirweho kikareeta okufa.

Balamu ku yaayongyeireho ekigambo, ngu, "Twena turi bamwe," bo, Ruhanga ekyo tarakisaasiire Israeli. Boona bakahwerekyerera omu ihamba, kwhi habo bashatu abu Ruhanga yaihiremu.

Yesu akagira ati, "Bo, boona, bakafa," okwo n'okutaana Ebiro byona. Boona bakahwerekyerera; tibarasaasiirwe. N'ekibi ekitarikubaasa kusaasirwa; tarabasaasiire. Oo, mugyenzi! Mukihungye, imwe abaana b'Omushana gw'omwabazyo!

78 Nimureeba hati omwebembezi w'obusingye obu obubi, bw'eriigyenda, bw'abanyadiini? Ni sitaane, orikukwata aha muti ogwo gw'okumanya oburungi n'obubi, reero akaguta aho, mwetegyereze, naareeta omugore we ekanisa eboneire omu rukiiko rw'obumwe bw'amakanisa kugaitwa empeta. Ekyo ni kirungi. Ekanisa ye ya sayansa eboneire, na za-za-zaadiguri zonna ezirkubaasa kuheebwa; diguri za Ph.D. okuruga omu kanisa ya Church of Christ, diguri za Ph.D., okuruga omu kanisa y'Ababaputisiti, Abapuresibateeri, Abapentekoote, n'agandi goona. Naabareeta boona, n'ebijwaro byabo ebihunzirwe n'amakanisa mahango, boona kuza omu rukiiko rw'obumwe bw'amakanisa ati, "Turi bamwe." Tibarikisaasirwa. Ekigombe ky'ediini, kujwara akamanyiso k'ekigombe ky'ediini, niko kamanyiso k'enyamaishwa. Tuherize kukirabamu hanu; kukikora. Mukihungye, baana 'mwe, mukihungye! Mwareeba? Ekanisa y'amaani, eboneire neeza omu kugaitwa empeta omu kweteerana kw'amadiini, erikujwara akamanyiso ke!

Ebijwaro bigufu munonga, buzima, ebijwaro by'ensi, nka maraaya, erangi, buzima kwo abakuratsi barungi ba sitaane, kutega abaana ba Ruhanga; omwojo ozairwe kurungi kutaasya otarikusiimwa okuzire batyo. Ekyo kihikire. Ka n'e ...

79 Noogira oti, "Kushara eishokye, ekyo kiine akakwate ki n'eki?"

Ow'eishe-emwe, reka twemerere hanu edakiika emwe. Ekyo naahurira hariho omuntu owaakyanga. Naabaasa kuba ahurikiize okwo aha simu ahantu nanka.

Hurikiza. Eishokye aha mukazi n'okuhiga kw'Omunaziiri. Eishokye ahari Samusooni rikaba riri okuhiga kw'Omunaziiri. Mbwenu omukazi ku ashara eishokye rye, a-aba yaayehakana okuhiga kwe kw'Omunaziiri buzima ku n'Omugore wa Kristo. Ahabw'okuba, aho, ekintu kimwe ekyo, naashiisha Ekishushani kyona. N'amazima! Omunaziiri "n'omuntu oshoroirwe ahabw'ekigyendererwa nanka." Tikwo? Samusooni akaba ashoroirwe ahabw'obusingye nanka n'ekigyendererwa nanka, n'ahabw'ekyo akaba aine eishokye riraingwa. Omukazi ori omwana wa Ruhanga, areka eishoke rye rikura, kworeka ku ashorereirwe buri Kigambo kya Ruhanga.

Omukazi ku arikurishara, tindikufayo oku arikuzina munonga, arikweshongora, ari memba wa kwaya, arikugamba omu ndimi, arikwiruka naakanga oku n'oku, nari aine ebibiina bya buri muringo by'abeeteeraine ebirikugaba obuyambi, afire. Ekyo ni OKU NIKWO MUKAMA ARIKUGIRA, Ekigambo kya Ruhanga. Abakorinso b'Okubanza 14. Ayehakaine okuhiga kwe kw'Obunaziiri kandi yaayeguza ahari ruhanga w'obusingye obu bw'omutindo gweliigyenda. Naakikora. Hati, waashwara mukyara 'we, nari mukazi 'we!

Buzima n'abarikutega abaana ba Ruhanga, nk'oku kyabaire kiri. Nk'oku Yesu yaagambire ati, "Nk'oku kyabaire omu biro bya Noa, abakazi barungi, kandi abaana ba Ruhanga baatandika kubashweramu abakazi, nikwo kiriba Omwana w'omuntu ku ariba naagaruka." Kwonka ruhanga waabo naateekateeka ngu ni kikuru, kandi kirungi, kandi ekya sayansa, eky'obwengye. Fashoni ya Hollywood, ekoreirwe omu duuka ye, buzima, ebi byona hanu ebirikworoberera bikakwatira aha mubiri n'ebindi, nimumanya.

80 Kandi yo, ekanisa ye, neekikunda buzima! Oo, mugyenzi! "Niinyenda omanye ngu, ndi Omumetsodisiti. Ndi Omupuresibateeri. Omuriisa waitu aine obwengye oburikumara kutabaasa kugamba ekintu nk'ekyo." Kyaba kiri kityo taine obwengye oburikumara kugamba ebintu ebi Ruhanga arikugamba. Mwareeba?

Yo, ekanisa, neekiramya buzima. Neekikunda. N'eki yaabaire neeyenda! Terikubaasa kwegaita n'ekintu kyona, ow'eishe-emwe, nari kutaaha omu kintu kyona ekiraatume yaatwaza nk'ekintu ekihindukire ahari Baayezeebeeli aba ab'omutindo gw'eriigyenda oku bari, 'habw'okuba egoy niyo mbeera egirimu.

Noobaasa ota kuba ow'obuhangwa obundi bwona . . . "N'oha omuriimwe orikubaasa kwongyera aha rugyero rwe ekita na kimwe ahabw'okwemereza omutima?" Ku oraabe waazairwe kuba ow'oburaingwa bwa fuuti itaano, torikwija kuhitsya fuuti mukaaga. Oo, eego, "nk'ekyoma ekirikunananuura" kya Booth-Clibborn.

81 N'ahabw'ekyo hurikiza, mushaija 'we, imwe kibiina ky'aba ricky! Ku oraabe waazairwe kuba omushaija, kyo twaza nk'omushaija. Aga mashokye maraingwa agarikureereeta aha buso bwawe, kandi agakozirwe nk'aga maraaya, ababw'enki, imwe busingye bw'enjoka 'mwe obukiikami! N'enki ekibabaireho, okutwarira hamwe?

Ruhanga wanye aryacwera orubanja eihanga eri ekiro kimwe n'omuriro. Aryariroha ahansi y'enyanja. Eshaaha y'okucwa orubanja Kwe eri haihi. Ensi yoona eryacwerwa orubanja.

Okukiikamya kw'ediini! Okukiikamya kw'abantu; abashaija tibarikumanya yaaba bari abashaija nari abakazi, n'abakazi nikyo kimwe. Nibeemerera bajwaire empare za ovoro z'abashaija, nari empare ngufu nkye ezikuzire, ebijwaro ebi . . . buri rutambwe rwe rwona n'oku omubiri gwe gwahangirwe, haza ayeyete Omukuristaayo. Tari n'omukazi w'engyesho kaashwa okuba Omukristaayo. Ni maraaya w'aha bitaara by'omuri tauni orikukozesibwa Sitaane, orikwebemberwa Sitaane, kutwara abaana ba Ruhanga okuzimu, kuhikiiriza Ekigambo eki Yesu Kristo yaagambire ngu kiryabaho. Ekyo naaba ntagyendereire kukigamba, kwonka nabwo, Akakigamba. Nimureeba ahu ogu mwoyo gw'obunyadiini gurikuruga? Omuti gw'ekijwangye.

82 Nimugira muti, "Ezo mpare gufu ziine nshobi ki," nari oku barikuzeeta kwona, "empari ezigarukiire aha ntumbwe z'amaguru, nari eki kiri kyona?"

Baiburi neegira, ngu, "Omukazi weena orikujwara kishaija, n'ekirikunugwa omu maisho ga Ruhanga." Ekyo ni OKU NIKWO BAIBURI ERIKUGIRA.

Kandi omukazi orikushara eishokye rye, naaba ahemwire omutwe gwe. Kandi nangwa tiki . . . N'ekibi omukazi kushaba ashazire eishokye, Baiburi nikwo erikugira, kushabira omu bantu boona ateetwekyereire. Kandi erye . . .

Oo, noogira oti, "Nyowe njwara enkofiira."

Iwe ndyarya 'we, oyegyesa abakazi kukora ebintu nk'ebyo! Kunu, Baiburi erikugira ngu, "Akaheebwa eishokye kumutwekyerera," atari enkofiira ekozirwe omuntu. Ekyo nikyo Baiburi erikugamba. Tindikujunaanwa; eki ndikujunaanwa kyonka n'okugamba Amazima. Reka kuba otarikwesigwa, nk'oku Baiburi erikugira ngu, "Okuhindura okundi Ekigambo kya Ruhanga," ku-kukora nari-nari kuhikiiriza okushaba kw'ekibiina kya baariketa.

83 Nyine ekigambo obubi hanu. Mpandiikire "Elvis" omu mwanya gw'obubi. Byona haihi nibishushana. Ekigambo Elvis nikimanyisa "kapa," kandi ekigambo Ricky nikimanyisa "embeba." Ku orikugira oti, "Ricky omukye," nooba noomanyisa, "akabeba." Eki orikumweta, ekyo nikyo ari. Omwana waawe ku araabe naayetwa atyo, rihindure ahonaaho, ababw'Engiri. Otaryeta omwana . . .

Okaba otakahurirahoga amaziina nk'ago enyima okwo omuri Baiburi, nari omu busingye obundi bwona. N'obusingye, eiziina ry'obusingye obu. Ku haraabe harabaireho embeba na zaakapa ezikiikami, ziri aho.

Byona ebi . . . ? . . . ebyoma by'okuzinisa bya dolla miliyon emwe, n'abaana aba nibagyenda ebiso aha, tibarikubaasa nangwa n'okuza a-aha ishomero bataine ekintu ekirikureereeta omu kutu, na ka rediyo kakye akakuzire omu nshaho zaabo, nikajuumeera kati, "buuu-bu-buuu."

Oo, bakaija okwo omuka, reero twakora . . . Abo bashaija bakaba nibagyezaho kusiiga enju yangye erangi okwo. Twagira tuti, "Ekyo kintu mukihe hanu. Ku muraabe mutarikubaasa kukora mutakiine, obwo murekye omurimo. Nikituma naaguma niinyekanga munonga tindikubaasa nangwa n'okwemerera haihi hanu. Omwanya ogu tukagushoroorera Ruhanga. Hanu titurikwendaho obushemba bw'omu muringo gw'ebiyeshongoro bya disiko z'ebiro ebi eby'aha muheru." Naagira nti, "Gisibe nari orekye omurimo!"

Yetegyereze, n'abanyadiini, n'obu kiraabe, oo, buzima, baza aha kanisa kandi beemerera omu baraza, bahurikiize ebyiyeshongoro bya disiko.

84 Kandi nabwo, yetegyereze, Omugore Kigambo wa Kristo, nawe, naahika aha kuhendera. Nk'oku turikureeba ahu antikristo arikuza, akatandikira enyima okwo mbwenu hati naahika aha kumariira; orukiiko rw'obumwe bw'amakanisa nizuza kumuta aha bwebembezi bw'amakanisa. Reero egoy Kanisa nkye etwire neerugayo, nayo, Omugore Kigambo wa Kristo omu busingye bwona, naahika aha Mutwe, 'habw'okuba Naaza kuteerana na Iba. Obutoosha, nk'ekanisa n'ebindi byona, Nikiteekwa kwegaita. Engano, buri kimwe kyona, nikigaruka aha mutwe gwakyo ahu kyatandikiire; nka Kaini na Abeeli. Omugore Kigambo naamarira omu Muntu Kigambo kya Ruhanga oyorekirwe omu busingye obu obubi obu tutwiremu. Nimureeba ahu erikuhereerukira?

85 Kandi Sitaane naija kutwara juba omugore we w'obwengye bw'obuntu kandi atunguure omukuru ogu, niwe antikristo, obwo bwebembezi bw'ekanisa, reero amushutamise aha kitebe ky'obukama, "reero ensi yoona eryamutangaarira emukurate."

Bwanyima Kristo aryaija. Kandi ababiri tibarikubaasa kubaho obwire bumwe. Reero obukama bwe butwarwe; acwekyerezibwe.

Kandi Kristo, Ekigambo kya Ruhanga . . . Kandi, omukazi n'ekicweka ky'omubiri gw'omushaija. Tibari babiri; n'omwe. Kandi Omugore, Ekanisa, Ekigambo, "abantu abeetsirwe kuruga hanu na hari, ababw'Eiziina Rye," nibaza kwegaita omu Mubiri gwa Yesu Kristo.

Kandi obukama bwa antikristo nibuza kutwarwa kandi buhwerekyerezibwe. Reero Kristo atware ekitebe ky'obukama, kandi ashutame aha kitebe ky'obukama kya Ishe Daudi, reero ategyekye ensi okumara emyaka rukumi; bwanyima amurikire Ruhanga Ekanisa, "etaine ibara nari akamogo." Eego!

86 Hati yetegyereze eishokye ry'ogwo Mukazi riraingwa, okuhiga kw'Omunaziiri aha Kigambo. Hati naaza kworeka ekishushani ky'Omugore wa Kristo. Twaheza kworeka ekishushani kya antikristo, ahu ari, omunyadiini na buri kimwe, sayansa. Hati, Omugore mukye omucureezi wa Kristo aikiriza Ekigambo, ou Ari weena. N'omuntu okwe. Niinyesiga kandi nyine amatsiko ngu hariho baingi abashutami hanu, baingi abahurikiize. Kandi nyine amatsiko ngu nyowe, na buri omwe omuriimwe mwena, muri ekicweka ky'ogwo Mugore. Nyine amatsiko ngu ni baingi. Kandi, nikija kuba ngu, boona abaamanyirwe ira batakabireho kuba ekyo nibaija kuba ekyo, 'habw'okuba n'obuhangwa bwabo. Nibareeba. Ekigambo nikimanya Ekigambo kyonka. Tikirikubaasa kumanya ekigombe ky'ediini nari okukiikamya. Nikimanya okukira ahari ekyo; n'Ekigambo. Mwareeba? Tikirikubaasa kumanya ekindi kyona . . .

Engano terikubaasa kuba ekindi kyona kureka kuba engano. Ekatandika, eri engano; neija kuhendera, eri engano. Kandi enkyenzi terikubaasa kuba engano, kwonka nabwo neetunga okushukwaho nikwo kumwe. Mwareeba? Kwonka teri ngano. Nk'oku naagambire ekiro kiri, aha muti ogu baahagikiremu amataagi agatarikushushana.

87 Eishokye ry'ogwo Mukazi riraingwa, okuhiga kw'Omunaziiri, nikyoreka ngu Akahiga ahari Ruhanga. Ekiwaro Kye kirungi ky'Ekigambo Kye ekyaraganisiibwe ahabw'obusingye obu Atwiremu, kimushweke weena, nikyoreka ku Ari hamwe Nawe, omu Baheburaayo 13:8, "Yesu Kristo tahinduka, oku abaire ari nyomwabazyo n'eriizooba nikwo ari, kandi nikwo ariguma ebiro byona." Ahakuba, Omugore n'ekicweka kya Kishwera Kigambo, omwesigwa Ahariwe omu muringo gwona.

Hati reeba. Omukazi ku arikuza aheeru hanu haza ashweirwe omushaija, kwonka akaza aheeru reero akabyama n'omushaija ondijo kandi akashambana nawe, bwanyima akagaruka ahari iba, iba ashemereire kumubinga. Tikwo? Naateekwa kuba omwesigwa ahari iba, 'habw'okuba akakora nawe endagaano.

Kandi n'Omugore wa Kristo akahiga ahari Kristo; kandi Niwe Kigambo.

Tashemereire n'okwitira eriisho orubaju ruri orundi, omukazi tashemereire n'obu kwakuba kwitira eriisho ondijo mushaija. Tashemereire kukora obubonero bwona, okukyamukirira kwona ahariwe, ahabw'okuba buzima n'omugore wa kishwera omwe.

Titurkwenda ekintu kyona ky'aha miti yaanyu y'ekijwangye, ebigombe by'amadiini byanyu. Ba omwesigwa ahari Kristo, Ekigambo. Naija Kukihamya ku n'amazima. Ngaaha, sebo, n'obu kwakuba okukyamukirira kw'omuringo gwona gw'okwenda kushambana nawe, otaza omu bibiina bye nari ekindi kintu kyona, nari kumwikiriza akakugwa omu kifuba nari akakureeberera, nari-nari akagamba naiwe omu muringo ogu, omuringo guriya.

Noohurikiriza Eiraka rimwe ryonka. "Entaama Zangye zimanya Eiraka Ryangye. Ou zitarikumanya tizimu . . ." Eiraka Rye niki? Eiraka ry'omuntu weena n'ekigambo kye. Kandi Niryo eri, Baiburi, tihariho ekigambo na kimwe ky'Okwongyeraho nari Kugicwaho ekigambo na kimwe. Gumira kimwe n'eryo Iraka. "Ou zitarikumanya tizimukuratira," ekigombe ky'ediini.

88 Kwonka, Omugore n'orugingo rwa Kishwera, ow'amazima Ahariwe omuri buri kintu, ategyereize Okugaitwa. Okuteerana, atari omu kibiina ky'obumwe bw'amakanisa; kureka omu kaabunga, ahari Kyakiro y'Okugaitwa. Ahairwe . . . Eki n'eky'ekanisa yaitu. E . . . Ahairwe, kandi Ashuuuruuriirwe, enaama ezikomirwe n'Obumanyiso Mushanju z'omuri Baiburi. Mwareeba? Naayetegyereza obushema bw'omubeihi, oburikwenda kushushanira kimwe n'Amazima okuhitsya obu haihi araahabise n'Entoore. Omugore ekyo naakireeba. Na . . .

Nimureeba ego myoyo ebiri erikurwana neekorera omu busingye obu obubi? Nimubaasa kugireeba? Buri omwe n'omunyadiini munonga, Kaini na Abeeli, emyoyo ogundi murundi neehika aha kuhendera kwayo, nabwo ekiri nk'oku yaatandikire. Gumwe, niguramya okurabira omu bintu birungi, hamwe n'omu bwengye, n'omu bwegyese, na sayansa, kandi n'omu micwe y'okutwaza gye. Kwonka Ogundi gwo, n'ahabw'okwikiriza kw'okushuuruurirwa Ekigambo kya Ruhanga. Yombi eyemereire hanu hanu omu kyombeko eki akasheeshe aka. Ekyo kihikire.

89 Okushuuruurirwa, nari okwikiriza, omu Kigambo Kye, tikwine akakwate n'obwengye; Omukristaaayo w'amazima, kashushu.

Nibagira bati, "Oine, nari okatunga diguri y'obwa dokita?"

Tikwine akakwate. "Ni-Niinyikiriza Ekigambo Kye." Mwareeba? Tikwine akakwate koona. Takaagira ngu aine obwegyese. Tari memba w'ekigombe ky'ediini kyona, ekibiina kyona, ekicweka ky'ediini kyona. N'owa Kristo. N'Omukazi We, tari mukazi w'ekanisa.

Ni maraaya. Baiburi neegira ngu akaba ari "maraaya," kandi, "NYINA WA BAAMARAAYA," kandi boona

nibateeranira hamwe reero bakora maraaya niwe omwe. Kandi omukazi w'omuringo ogwo n'omukazi otari mwesigwa ahari Iba; haza arikweyeterera Kristo kuba iba, kunu ari ow'ekigombe ky'ediini. Orwanju nk'orwo! Turi aba Kristo.

90 Kwonka, omu kworoba, Omukazi w'okwikiriza ogu omukye, otuuraho ahabw'okwikiriza, Omugore; omuntu hanu, hariya; hanu, okwo ahandi hantu, ekanisa endijo, ekigombe ky'ediini ekindi, eki kiri kyona, omu . . . Naikiriza Ekigambo kya Ruhanga, n'orikworoba, ategyerereize omuri rukundo, okuraganisibwa kw'obusingye kuhikiirira. Akutegyereize. N'ekicweka ky'ekyo Kigambo, n'ahabw'ekyo ategyereize amagara Ge kworeka ekyo Kigambo.

Ab'eishe-emwe, ekyo timurikukireeba? Nyine amatsiko ngu ekyo tikyabarabaho.

Omubiri gutegyereize (ekyo n'Ekigambo), gutegyereize Amagara (ogwo n'Omwoyo) kuhamya nari Kuguhindura oguhuriire. Ekyo nikyo Omugore ategyereize. Tihariho amagara agandi agaraije kukorera Omuriwe. Tarikubaasa kuba ohuriire omu muringo ogundi. Kandi nabwo, Naakihurira ebiso okwo, kandi Amanyia ngu nikiza kubaho; bwanyima hanu kibaho, obwo Asisiimuka. Ruhanga akagira ati, "Habeho," reero Yaabaho nk'oku ow'okubanza yaabaireho.

91 "Abatarikuuhurira" nikimanyisa okuhurira . . . Okutahurira nikimanyisa "okugoma." Ekyo nkireebire omuri kashoboorozi, kugira ngu nkihamye. Obugomi, okugomera (ki?) Ekigambo kya Ruhanga ekishuurwirwe. Nk'oku Kaini yaashuurwire . . . yaagomeire okushuuruirwa kwa Abeeli okushuurwirwe, okwahamiibwe Ruhanga ngu kukaba kuhikiirira. Kwonka Kaini akakugomera, kandi yaita murumuna we.

Abaferisaayo, n'okwetegyereza kw'ekigombe ky'ediini kyabo oku Ekigambo kya Ruhanga kyabaire kiri, bakatoorana abashaija abaabaire batoorainwe, baagomera Ekigambo kya Ruhanga ekihamiibwe kikashuuruirwa ababw'ebiro ebyo, Yesu Kristo, kandi Baamwita. Tikwo kiri

Ekyo nikyo "abatarikuuhurira" kirikumanyisa, kugomera Ekigambo kya Ruhanga.

Hati nooreeba ahi baahika? "Oo, ebiro by'ebi'amahano bikahwa. Yesu Kristo ahinduka. Tihariho ekirkwetwa okubatizibwa kw'Omwoyo Orikwera. Ebintu ebyo byona n'orwanju!" Mwareeba, obugomi! Tikirikubeetaagisa kugamba ebintu bibiri; nikyetaagisa kugamba ekintu kimwe kyona, nikyo ekyo kyona. Obwo n'obugomi, aho honyini. Tibarikubaasa kugira ngu toine amaisho, toine amatu; nooteekwa kutwara omubiri gwona, Ekigambo kyona. Waareeba?

Omwoyo Orikwera naayeta ati, "Mururugyemu, mutakaakwatanisa n'ebigunjano bye by'ebigombe by'amadiini," yaaba naashekyerera kandi naagaya Ekigambo kya Ruhanga ky'obwire obu.

"Kandi Ruhanga tagaaniizibwa," oijukye. Aryakishashurira. Otafayo. Aryakishashurira. Baiburi, omu kitabo ky'Abaefeso 4:30, ekyo ku muraabe nimwenda kukihandiika, Abaefeso 4:30, nihagira hati, "Ruhanga tagaaniizibwa. Kyona eki omuntu abiba, nikyo arishaaruura." Tibarikubaasa kugaaniiza kandi bakashungisa, kandi bakagamba ebintu ebi, haza batafubirwe. "Nk'okumamagiza embibo aha maizi, ziryakugarukira."

92 N'omugore wa sitaane, ashembirwe obwengye bwe bw'ediini, oburikukunda ekibi bw'obusingye obu obubi bwa hati, okukubeihabeisha. Oo, mugyenzi! Ekiina kyona nari ebigombe by'amadiini g'emyoyo erikubeihabeisha, n'obwengye bwa sayansa kandi n'okugunjuka kw'omutindo gw'eriyenda! Nibagira . . .

Twaza kumara omu dakiika nkye. Naaza kugyemwa kwemerera, 'habw'okuba tindikubaasa kuriheza ryona, mwareeba.

Naagira ngu naabombekyera ensi nungi y'okutuuramu. Naagira, ngu, omu kugunjuka kwe, ayombekire amakanisa marungi, zaakoregi, amashomero, amarwariro, amabiikiro g'ebitabo, hamwe n'obuhwezi bw'akaire kakye bw'okuha abantu, hatariho Ekigambo kya Ruhanga. Akikozire. Ayorekire ngu naabaasa kukikora. Kandi abantu bakiikiriize; eego, sebo; amashomero, ebigombe by'amadiini, okuhutuuka, abantu abajwaire kurungi, abantu abagaburiirwe gye.

Hakiri mbe omu runyiriri rw'abarikushaba omugaati, kwonka ndi kurungi na Ruhanga; okukira kurya enkoko esiirike kashatu omu izooba, kugira ngu mbe orugingo rwa maraaya nk'ogwo.

93 Mwijukye, eshaaha eiriire haihi obu akamanyiso karikuza kwija. Noija kuba okarimu nari otakarimu. Nikaza kwija nk'omushuma wa nyekiro. Nikaza kukukwatira omwo honyine, kandi oshangye okarimu. Obwo oryaba otakibaasa kukarugamu; waaherize kukatunga. Rugamu!

Maraika akashuumma okuruga omu Iguru, aha maisho ge nihamurinkana munonga, kandi yaagambira abantu n'eiraka rihango. Rikatengyetsa ensi. Riti, "Murugye omuri Babulooni, ahakuba rugwire. Mutakaakwatanisa omu birikwija kurubonabonesa, bantu Bangye 'mwe!' Mururugyemu. Mushohore! Titwaheza kukishoma omu Kigambo, omwanya mukye ogwahinguraho? Maraika ni "entumwa," mwareeba, naashuma. Yetegyereze Omwoyo Orikwera, "Mururugyemu, mutakaakwatanisa narwo."

94 Hati ayombekire ebintu ebi byona. Ayombekire amakanisa mahango. Ayombekire zaakoregi, amashomero,

naatwara abantu, kandi abeegyesa kutaaha omu ki a-arikweta, okuhutuuka okurikukirayo oburungi. Kandi babeegyeise okurabira omu kuhutuuka kw'omutindo gw'eriigyenda okubahikize omu kiina kya rufu, ahabw'okumanya, hare na Ruhanga hamwe n'Ekigambo Kye.

Timurikureeba entwaza yoona? Nimureeba ekintu ekyo, kanisa 'mwe? [Abateeraine baagira bati, "Amiina." - Omur.] Aheeru okwo aha mbeho, ku muraakyetegyereze omu bateeraine abu muri nabo aheeru okwo, mugire muti, "amiina," abandi nibaija kumanya ahu muhamiire. Mwareeba?

Akakikora. We ni . . . Ni ruhanga w'ensi egi, kandi ayombekire zaakoregi. Ayombekire zaayunivaasite. Ayombekire amarwariro. Ayombekire amabiikiro g'ebitabo. Ayombekire ebintu ebi byona kuhwera abantu ahabw'omwanya mukye, ebirikugasha kubabeihabeisha, kuruga ahari eki Kigambo. Kandi abeebembeire yaabahitsya hi? Ekanisa yoona y'ensi enagirwe omu kufa, ahakuba Ruhanga akagira ngu Aryayotsya maraaya, n'abaana be, omu muriro ogutaraara.

Mururugyemu, bantu 'mwe! Mutakwatirwamu. Murugye omu kintu ekyo jubajuba nk'oku murikubaasa!

Ahabw'obwengye bwe bwa sayansa, abaasize kukora eki, hati yetegyereze, hatariho Ekigambo kya Ruhanga.

95 Ruhanga taratutumire kuza kwombeka amashomero. Taratutumire atyo. Taratugambiire kwombeka amarwariro. Ebyo ni birungi. Taratugambiire kwombeka amabiikiro g'ebitabo. Ngaaha, sebo. Taratugambiire.

Akagira ati, "Mbuurire Engiri." Kandi, Engiri, n'okworeka, kworeka amaani g'Omwoyo Orikwera.

Paulo akagira ati, "Engiri teratwiziire, omu bigambo byonka, kureka omu kworeka kandi n'obumanyiso bw'Omwoyo Orikwera." Paulo akagira ati, "Tindaizire owaanyu n'ebigambo by'amaani by'obwengye bwa dokita nanka owa kinu na kiri, kureka nkaija owaanyu omu maani n'okwelyoreka kw'Omwoyo Orikwera; ngu okwikiriza kwanyu kutaba omu bwengye nari okumanya kw'abantu b'ensi egi, kureka omu maani g'okuzooka kwa Yesu Kristo; ahabw'okuba n'Ohuriire, tahinduka, oku abaire ari nyomwabazyo n'eriirooba nikwo ari, kandi nikwo ariguma ebiro byona." Ruhanga atuhwere twikirize ekintu nikyo kimwe, kandi Ruhanga ahamye ekintu nikyo kimwe nk'oku Atwire naakora.

96 Naakuzibira kureeba okushuuuruurirwa kw'amazima n'okwikiriza kw'Ekigambo kya Ruhanga okuriyo nikushuuuruurwa kandi kukahamibwa ebiro ebi, okurabira omu mashomero ge, amabiikiro g'ebitabo, ebitabo, amarwariro, n'ebindi. Mwareeba? Naakuzibira kukutunga. Naashoboorora hati, nk'oku yaakozire ahari Faraho, naagyezaho kukuzibira kwetegyereza amakuru g'Ekigambo ekihamiibwe ky'obusingye Bwe obwaraganisiibwe omu Mushana gw'omwabazyo, ogworekirwe kandi gukahamibwa. Agyerizeho, kurabira omu obwengye bwe, n'amashomero, n'abantu abeegyesiibwe kurungi, n'emicwe y'okutwaza gye, n'ebindi, okukuzibira Kukireeba.

Ekintu kyona, kugira ngu Ekyo otakireeba kandi okareeba ku ogwo ari Yesu Kristo! Noomanya ota ngu ni Yesu Kristo? Niwe Kigambo, kandi Niwe Kigambo ky'obusingye obu. Kandi obusingye obu, akagira ngu eki kiriyabaho omu busingye obu, mbwenu nkiki hanu nikibaho. Mwareeba? Mwareeba? Naagyezaho nk'oku arikubaasa kukuzibira Kukireeba.

Naija Kukyeta eiziina ribi ryona eri arikubaasa. Mwareeba? Naija Kukyeta "abarikwera abeekuringa ahansi" n'ekindi kintu kyona. Akeeta Yesu "Belezebuli." "Ku baraabe nibeeta Nyineeka Belezebuli, mbwenu shi abeegi be tibarikuza kubeeta batyo okukiraho?" Mwareeba?

Mwareeba,

97 naagyezaho kukuzibira kwetegyereza amakuru g'amazima g'Ekigambo. T'ebi . . . Mwareeba, Naakishoboorora, naagira ngu Nikimanyisa eki.

Ruhanga akagira ati, "Nkaraganisa ngu omu biro by'aha muheru Ndyabooherereza Malaki 4." Tikirikwetaagisa kukishoboorora; Akakishoboorora. Akagira ati, "Kandi nk'oku kyabaire omu biro bya Looti, ensi eryaba eri omu mbeera ya Sodoma; reero omu bwire obwo, Ndyashuuuru Omwana w'omuntu, buzima." Twine okutooreza kwa buri muringo n'ebindi byona, by'ekintu ekyo, kwonka nabwo, twine ekyo Eky'amazima. Mwareeba? Akagira ngu Aryakikora.

Akagira ngu antikristo aryaimuka kandi haihi ahabise Entoore kyaba nikibaasika. Kwonka yaagira ati, "Mubarekye. Mubarekye bagumizemu. Obusema bwabo buryamanywa." Ahabw'enki? Okugyeza kw'Ekigambo nikukihanya. Mwareeba?

Ku kirikuhika aha Kigambo ekyo, "Ekyo kikabaho ira omu muringo ogu, guri? Oo, tindikwikiririza omu ruzaaro rw'enjoka. Tindikwikiririza omuri eki, kiri, hamwe na kiriya." Tikikashuuuruwaga na kakye, waareeba, ngaaha, na kakye. Oo, ow'eishe-emwe, reeba kwonka ahu . . .

Twaza kumara, ahabw'okuba ni shaaha mukaaga.

98 Yetegyereze, naagyezaho kukuzibira kwetegyereza amakuru g'Ekigambo ky'obusingye obu, ky'Omushana gw'omwabazyo oguriyo nigushoboororwa. Ni . . . Nikimanyisa ki? Ngu obwire bw'okuruga buri haihi, Ruhanga

ariyo naija Kumutwara, buzima. Mwareeba?

Hati niinyenda kubabuuza ekibuuzo. Obwo, zaahika shaaha mukaaga hati, edakiika itaano zaahinguraho; kandi nituza kugumizamu, ekiro eki. Nimureeba ruhanga w'obusingye obu? [Abateeraine baagira bat, "Amiina." - Omur.] Nimukiikiriza? ["Amiina."] Nimureeba oku eri, ekanisa, y'obwengye bw'obuntu, na sayansa?

Ensi yoona n'eye, mwareeba, ebigombe by'amadiini. Kandi, noogira oti, ndi Omukristaayo. "Ori memba w'ekigombe ky'ediini kiiha?" Mbwenu, kuri ndi memba w'ekigombe ky'ediini, tindikwikiriza ngu nkaabaire Omukristaayo. Hati, ekyo n'ekigambo ekigumire, kwonka n'amazima.

Naaheza kugamba ngu obwengye na sayansa, hamwe n'Obukristaayo, tibikaakwatanisa na kakye. Kimwe n'ekya sitaane, kandi ekindi n'ekya Ruhanga. Ekintu kyona ekirikuhanisa Ekigambo kya Ruhanga, okyetantare. Waareeba? Ngaaha, sebo. Baiburi neeyeta Abakristaayo, omu biro ebi by'aha muheru, kuruga omuri ogwo maraaya, ogwo n'omuti gw'okumanya oburungi n'obubi.

99 Buzima, aine ebantu birungi. Hariho omuntu weena orikubaasa kugamba kubi aha irwariro? Ngaaha, sebo. Ebiikiro ry'ebitabo? Ngaaha, sebo. Obwegyese? Ngaaha, sebo. Kwonka, nimureeba, nibabaha ebyo kwonka tibarikubaha Ekigambo. Nimureeba oku kirikuhabisa? Nibabaha ekanisa y'okuzamu, okuramya kw'okuramya, "ruhanga oshutami aha kitebe ky'obukama." Baiburi ekakigamba kitakabaireho.

Hati ori memba wa kimwe aha bibiina ebyo. Hariho bibiri byonka ebiri omu nsi hati, nikwo kitwire obwire bwona, kandi kirayguma kityo okuhitsya obu Yesu ariija, reero kimwe aharibyo kiryahwerekyerezibwa. Hati ori memba wa kimwe aha bibiina ebyo. Kimwe aharibyo, nookyegaitaho; kiriya ekindi, Nookizaarwamu. Waareeba?

Kimwe aharibyo, ori ekicweka kyakyo abaw'okuba okakizaarirwamu. Nooteekwa kuba ekicweka Kyakyo. Nimbaasa kwehakana ngu tinyine omukono? Nikwo ntarikubaasa kwehakana Ekigambo kyona kya Ruhanga, ku ndaabe ndi ekicweka kya Ruhanga. Ndi ekicweka kya William Branham; ndi omu bicweka, kandi buri kicweka n'ekicweka kyangye. Kandi buri Kigambo kya Ruhanga nikiteekwa kukoregana n'omwoyo gwangye, nikiteekwa kukoregana n'amagara gangye, nikiteekwa kukoregana n'oku ntwire amagara gangye, Nikiteekwa kukoregana n'ebiteekateeko byangye. Ebiteekateeko byangye ku biraabe nibihakanisa Ekyo, obwo Omwoyo wa Ruhanga tatwire omuriinye. Ekyo kihikire. Tindikubaasa kwehakana Ekigambo Kyakyo kimwe.

100 Ori memba wa kimwe aha bibiina ebyo. Nooteekwa, nikwo kirikuteekwa kuba. N'Omubiri gwa Ruhanga, ekiri okurabira omu Kigambo; nari omubiri gwa Sitaane, kurabira omu kanisa. Kandi ensi yoona neeteekwa kwija kuba memba w'ekanisa nanka; hariho ruhanga ou erikuramya. Nooteekwa kuramya ruhanga w'obwengye, oyegamire ebi orikuhurira abaw'obwengye, oyegamire eki, nari kiri, nari kiriya; nari oyegamire Ekigambo kya Ruhanga, abaw'okwikiriza, Omutegyereize Kukihikiiriza reero Kikaba amazima.

Ekanisa ya Ruhanga y'amazima etegyereize okwija kw'ekyo kiro ky'amashemererwa ky'okutegyeka kwa Kristo kw'emyaka Rukumi,

Obu Mukama waitu ohairwe omugisha aryaija kandi akatwara Omugore We ottegyereize;

Oo, omutima gwangye gwijwire amashemererwa maingi naaba ninkora, ntegyereize kandi ninshaba,

Ahakuba Mukama waitu naagaruka omu nsi ogundi omurundi.

Oo, Mukama waitu naagaruka omu nsi ogundi omurundi,

Sitaane aryabohwa okumara emyaka rukumi, turyaba tutaine omutegi obwire obwo,

Bwanyima Yesu yaaheza kugaruka omu nsi ogundi omurundi

101 Oo, bantu 'mwe b'omuri Amerika egi, ahu Obutumwa obu burikubuirwa hati, muhungye jubajuba nk'oku murikubaasa obusingye obu bw'obwengye, obwa sayansa obu tutwiremu. Muhungire omu Kigambo kya Ruhanga!

Nyowe, naimwe, tihariho n'omwe orikubaasa-orikubaasa Kukimanya; tihariho n'omwe orikubaasa Kukihamya. Ruhanga We Wenka niwe orikukihamya. Tihariho n'omwe orikwikirizibwa Kukishoboorora; nyowe, tihariho ondiijo omuntu weena orikwikirizibwa. Ruhanga We Wenka niwe orikushoboorora. Akaraganisa. Yaagira ngu eki Aryakikora omu biro by'aha muheru.

Kandi omu biro by'aha muheru ruhanga w'obusingye obu obubi akaba naija kuhumya amaisho g'abantu, n'okumanya kwe kw'obwengye bw'obuntu, aha muti gw'ekijwangye gw'oburungi n'obubi, na hati naakibuha abantu. Kandi hanu haija, ekintu ekyo nikigyenda omumaisho, ekyo kigombe ky'ediini okrugira kimwe enyima okwo omu Busingye bw'Omwigima, kandi n'Obusingye bw'Omwigima butakabaireho, byona nibihenderera omu muntu w'ahaiguru munonga, Sitaane, owaagizire ati, "Ndyayetunguura ahaiguru y'abaana ba Ruhanga, kandi baryampurikiza." "Kandi we nka Ruhanga aryashutama omuri hekalu ya Ruhanga, kandi abaana ba Ruhanga baryabeihwabeihwa."

102 Ahabw'enki, omwana wa Ruhanga, naagira ati, "Mpaho, omukazi wangye, tari; ni murungi . . ." Gyenda omu maisho, gumizamu kusha. Mwareeba?

Noogira oti, "Mbwenu, Akagira ngu, 'abaana ba Ruhanga.'" Eego, sebo.

Omushaija, ou ari weena, akahangwa omu nshusha ya Ruhanga, ahabw'ekitiniisa kya Ruhanga. Kandi omukazi n'ekintu ekyaihirwemu ahabw'omushaija, atari ahabwa Ruhanga. Kihikire. "Abaana ba Ruhanga ku baareebire abaishiki b'abantu bari barungi, baashweramu abakazi,"

"Nk'oku kyabaire omu biro bya Noa, nikwo kiriba kityo Omwana w'omuntu ku ariija."

Hati reeba, ku oraabe nooyenda kumanya eidaara eri ekanisa yaahikaho, reeba eidaara eri abakazi baahikaho, waareeba, 'habw'okuba omukazi n'ekanisa. Reeba ebi barikukora, waareeba, kandi omu busingye obu obubi bw'obwamaraaya.

Reeba, hakaba hatariho orurembo orurukukirayo kuba rubi, rw'enkozi z'ebibi, orurikushwaza, orw'obwamaraaya omu nsi yoona, okukira Nazareesi, kwonka okuruga omurirwo Ruhanga akaihamu omwishiiki oshugaine. "Omuri Nazareesi nihabaasa kurugamu ekintu kirungi?"

Kandi okuruga omu busingye obu obubi, ahu ruhanga w'obusingye obu ahumize amaisho g'abantu, n'ebigunjano byabo hamwe n'ebigombe by'amadiini; okuruga omu busingye obwo bwonyini, Ruhanga naatoorana abantu ahabw'Eiziina Rye.

N'obu hanu baraabe nibangwa kandi bakagaywa, ekiro kimwe

Mukama aryareeta

Abatoorainwe Be omu irembo, kandi ekyo nikikira byona.

Obwo turyayeshongora kandi tuteere akaari, kandi tugurukyeere,

Omwana gw'entama aryaragaza amarira gaitu;

Turyagira saabiiti emwe y'okugaruka omuka y'amashemererwa, Emyaka omutwaro y'okubaanza. (Ekyo kihikire.)

Abantu b'okutangaaza ahabw'Eiziina Rye kandi nibeetwa Omugore We. (Ekyo kihikire?)

N'obu baraabe nibangwa kandi bakagaywa, ekiro kimwe

Mukama aryareeta

Abo abatoorainwe omu irembo, (omu kuruga) kandi ekyo nikinkirira byona.

103 Naaba omugurusi. Kandi n'ebiro byangye byatandika kuhwaho; n'amaisho gangye gatandikire kuhweza kubi; kandi akariro k'amagara gangye katandikire kwaka mpora. Tindikutiina omwirima. Ahabw'okuba niinyenda kugamba eki, na Paulo nti, "Nimmanya omu maani g'okzooka Kwe." N'obu baakunziika nkahi, ku naakurohama omu nyanja, nari nkasya omu tanuuru, nari nkariibwa entare, Aryayeta eiziina ryangye, naanye nyetabe. Amiina!

Ka tushabe.

Hanu ku haraabe hariho, nari okwo aha simu z'Obutumwa obu hoona omu ihanga, omu makanisa gaanyu makye n'ebibiina by'abantu n'omu bishengyebihango, nari ahi mushutami hoona, ku haraabe hariho omwe, oo, reka nkwehanangirize; reka nkleshengyereze, nk'omuheereza w'Engiri; reka nkleshengyereze, omu Iziina rya Yesu Kristo; hunga ekiniga ky'obusingye obu obubi! Reka kuheereza ruhanga w'obusingye obu obubi

Oo, nimmanya ngu noogira oti, "Ni kirungi. Ebyo ni birungi." Buzima kwo, omuti gw'ekijwangye. Torikubaasa kujwanga obwengye n'Ekigambo kya Ruhanga.

N'Ekigambo ekirikuteekwa kwikiriziba n'okwikiriza, butari bwengye. Torikukyetegyereza; Nookyakiira. Noogira oti Kihikire, reero otuura amagara Gaakyo. Nikyo ekyo kyonka eki Arikukushaba ngu okore.

Hanu ku haraabe hariho omuntu weena omu kibiina kyaitu, titurikubaasa kweta abantu kwija hanu omu maisho kwakiira Kristo, ahabw'okuba tihariho omwanya; nari okwo aha mbeho, abahurikiize aha masimu, ku haraabe hariho omuntu weena okwo Otarikumumanya. Ota . . .

104 Oo, bakazi 'mwe, naabakabukira akasheeshe aka, tiinye, naajuriza Ekigambo kwonka. Okushara eishokye, kujwara otwo tujwaro otukuzire tugufu, iwe kujwara okareebekyera kimwe nka maraaya, torikwetegyereza ngu omwoyo oguri . . . Noobaasa kuba oschemeire, ow'eishe-emwekaza, omukundwa, kyahika aha mubiri gwawe, kwonka omu mwoyo gwawe torikureeba ekikukwatsire?

Ruhanga akaatumu muhara We yaareebeka nka maraaya kubehabeihia mutabani We, okumwetenga, kutuma bombi baayetonganaho ahabw'obushambani? Akaabaasa kukikora, ow'eishe-emwekaza? Yebuuze ekibuuzzo ekyo. Ngaaha, tarikubaasa na kakye. Ekyo otakita ahari Ruhanga.

Ow'eishe-emwe, ruhanga akuhaire omwoyo gw'ensi egi okuhitsya obu otakibaasa kureeba ngu ekkyo kigwire? Yaahumize amaisho gaawe, aha micwe y'ekanisa, ekigombe ky'ediini, enyikiriza, n'ebindi, okuhitsya obu otakibaasa kureeba ngu Ruhanga naahamya Ekigambo Kye kandi Naakihikiiriza? Omurimo gwawe, mukuru waawe w'aha murimo, omukazi waawe, abaana baawe, ekanisa yaawe, nari ekindi kyona, bikutaaniise n'Ekigambo kya Ruhanga, arikyo nshuro y'Amagara yonka? Kihungye, ow'eishe-emwe mugyenzi wangye! Ninkukunda, na rukundo ya Ruhanga. Tindikuha kitinisa ow'eishe-emwe mugyenzi wangye weena okukukira, ngaaha buzima. Ku naakukikora, nkaaba ninshoroora omu bantu. Tindikugamba ebintu ebi kukwitsa ekiniga. Niinyoreka, ngamba ebintu ebi ahabw'okuba biri omu Kigambo kya Ruhanga. Kandi nk'omuheereza wa Ruhanga, na rukundo ya Ruhanga eri omu mutima gwangye, nimbagambira ebintu ebyo kugira ngu mureebe kandi mwetegyereze. Obundi shana timukaamanyire ku naakubaire ntabagambiire. Mwaza kukihunga eriizooba?

Hati, hoonahoona omu ihanga, ka twinikye emitwe yaitu.

105 Ruhanga omukundwa, omu maisho gangye hariho ebitambaara by'omu ngaro. Abantu barware; nimbitaho engaro zangye, kugira ngu obakize.

Kandi niinyesiga, Mukama, ekiro eki, ngu nihaza kubaho saaviisi y'amaani, ngu Amaani ga Ruhanga nigaza kuba gari hanu, obumanyiso bukuru n'eb'y'okutangaaza. Nk'oku tuhuriire ebirugire omu nteerane ezi nkye eziheruukire kubaho, ka n'eky'okutangaaza, kureeba ekyabaireho! Ninshaba, Ruhanga omukundwa, ngu otuhe emigabo ebiri ekiro eki. Ninkishaba n'omutima gw'amazima, Mukama, ahabw'okuba n'ahabwa rukundo ei Nkwiniire n'Ekigambo Kyaweh, kandi n'ahabw'abantu aba. Kituhe, Ruhanga omukundwa.

Kandi okwo hoona omu ihanga, nangwa n'omunda hanu hati, ku haraabe hariho abarware n'abarikubonabonesibwa, kandi barikwenda kugyenda ekiro eki, batarikuza kuba hanu nyekiro, nari bari okwo omu makanisa nari emyanya ei bateeraniiremu; ninshaba ngu Obatambire hati, Mukama. Kwonka okutamba okurikukirayo okundi kwona! Ku Oraatambire emibiri yaabo ekakira ekookoro, TB, ekishonga, ekintu nanka, nibaija kugaruka barware, tihariho kubanganisa, ku baraahangaare, ahakuba emibiri yaabo n'ekitegyekwa ekibi, omukyeeno. Kureka ka batungye o-okutamba kwa Ruhanga kw'amazima, okutambirwa kw'omwoyo, okurikukora ekihangirwe kisya, okuruga omu kufa kutaaha omu Magara, reero bategyerereze omu rusiisira oru orwa ira okucungurwa kw'omubiri omwoyo gwaheza kucungurwa. Kituhe, Mukama.

Nkaabaasibwa ki bahunga ebyo bigombe by'amadiini n'enyikiriza. Ai Ruhanga, okwo aheeru omuri ezo nyikiriza n'ebigombe by'amadiini mbugaineyo ab'eishe-emwe bamwe abarikukirayo kuba barungi. Kandi, ai Ruhanga, nkigambe nta kugira ngu babaase kwetegyereze, kandi beetegyereze Ekigambo? Nikinteganisa. Kwonka nimmanya, ogundi murundi, ku Waagizire oti, "Tihariho orikubaasa kwija," n'obu yaakuba ari murungi ata, ari omucureezi ata, naatwaza gye ata, "kureka Taata yaamweta. Kandi boona abu Tata Yampaire, baryaija." Kandi, Mukama, niinyehuriramu obujunaanizibwa bw'okugamba Amazima.

Kandi ti nka Paulo oku yaagizire ati, "Okuhindura okundi Ekigambo kya Ruhanga," Kukijwangamu ebigunjano by'ebigombe by'amadiini, nk'omuti gw'ekijwangye ky'oburungi n'obwengye, oburungi n'obubi; kureka n'omutima ogushashaanukire hamwe n'Omwoyo Orikwera. Kituhe, ai Ruhanga. Juna buri omwe.

106 Hati twinikire emitwe yaitu n'amaisho gaitu gahumiize. Kandi atari ahariinye . . . tindikubaasa kukigamba omu muringo ogu nti, "Tikiine ntaaniso yoona ahariinye yaaba mukikora nari mutakikora." Kiine entaaniso ahariinye. Nimbakunda. Kandi nyine amatsiko ngu timuraateekatekye ngu 'habw'okuba ninteekwa kujuukirira . . . Nka Paulo oku yaagambire ati, "Nkaayenzire kuguma naimwe, kandi mpindura emitwarize yangye." Kikaba kitari ngu ahabw'okuba akaba atarikubakunda; akaba naabakunda. Atari . . . Nk'oku Yesu yaabaire naateekwa kubakabukira, kandi bwanyima akabafeera. Mwareeba, "Taata, obasaasire; tibarikumanya nangwa n'eki barikukora." Okuteekateeka, omuntu orikwenda kuba ohikire, kandi naagyezaho kuba ohikire, kwonka okureeba sitaane ogwo . . . Ogwo niwe ndikurwanisa, ogwo ohumize amaisho g'abantu aba.

107 Eihanga eri rishemereire kuba niryaka n'ekitiinisa kya Ruhanga, waareeba ebikoreirwemu omu biro ebi eby'aha muheru, ebi eby'aha muheru. Ahabw'enki okusisiimuka oku kutahikire omu amahanga ga kare? Ogu n'Omwaro gwa Burengyerwa-izooba hanu, aharikukirayo kuba hare oburengerwa-izooba ahu waakubaasa kuhika. Hati omucungiro gw'ekibi gucwekkire ahansi y'ensi, n'ahabw'ekyo eriyo neetobera; emyanya, kandi Los Angeles na Hollywood, nizitobera inci nydingi nka zityo buri shaaha, kandi tihariho omuringo gwona gw'okukizibira. Eego, turi hanu. Eshaaha yoona nituza kuhurira okwo kwetwa kw'okuza omu rubanja. Ku oraabe noomanya ngu . . .

Hati, hatagira omuntu weena owaareeba. Kwonka ku oraabe noomanya, omu mutima gwawe . . . Ninkubuuza. Tindikubaasa kumanya omutima gwawe, kureka Ruhanga yaagushuurura. Beitu omu mutima gwawe, ku oraabe noobaasa kureeba ngu tori ahu oshemeraire kuba ori na Ruhanga hamwe n'Ekigambo Kye, omu kwikiriza, noobaasa kwimutsya omukono gwawe Ahariwe, Omugire oti, "Mukama, Mpwera." Ai Ruhanga! Omu kanisa egi, ejuriire kimwe, ejuriire kimwe okwetooroora ebisiika, omunda n'aheeru, buzima amagana n'amagana g'emikono, obundi emikono magana abiri ei baimutsya. Mwebare kuba abeesigwa.

108 Yesu omukundwa, otaikiriza n'omwe aharibo kubura. Nk'omuheereza Waawe, oyemereire ahagati y'abahuriire n'abafiire, nimboorekyereza, n'orukumu, aha Kigambo kya Ruhanga. Tindikubaasa kubajuna, Mukama, kwonka nibenda kujunwa. Kandi, Taata, nk'oku ngambire emirundi mingi, eizooba rituruka omu

kasheeshe; kandi ku riba niriija aha nsi hoona, riba ryohereziibwe Ruhanga kuhisa enjuma, kukora eby'okurya by'obutoosha ahabw'okubaho kw'amagara g'obutoosha. Kwonka, Ai Ruhanga, Okagira oti, "Abo abarikutiina Eiziina Rye Eizooba ry'okuhikiirira riryaturuka ahabwabo riine okutamba omu mapapa Gaaryo." K'Eizooba ry'okuhikiirira, Ekigambo kya Ruhanga, riturukye omu mitima y'abantu, reero amaranzi agarikutamba g'okwikiriza omu Kigambo ekyo gatambire buri omwe otarikwikiriza Ekigambo, reero gabareete gabahitsye aha kuhikiirira kwa batabani na bahara ba Ruhanga.

N'Abaawe, Mukama. Omu Iziina rya Yesu Kristo, boona abari hanu n'abahurikiize aha mbeho, nimpayo abaimukize emikono yaabo Ahariiwe ahabw'okujunwa kw'emyoyo yaabo. Amiina.

Aho niho amagara gangye agaijwire okushemererwa garitunga (Nkahi? Ahari rutaari egi.)

Oburuuhukiro seeri . . . (ahabw'okwikiriza nindeeba seeri okwo ei ndikuza)

Haihi n'omusharaba, (aho niho Ekigambo kibambirwe) . . . omusharaba,

Ekitiinisa kyangye kibemu obutoosha;

Okuhitsya obu amagara gangye agaijwire okushemererwa garitunga

Oburuuhukiro seeri y'omugyera.

Yesu, ogume ondindire . . . (Ekyo ni, okubambwa Nawe, tindikwenda ekintu kyona eky'ensi. "Ondekye ngume mbambirwe.")

Hariho enhshuro y'omuhendo,

N'eya busha ahari boona, akagyera k'okutamba,

Nikahimintuka nikaruga aha kabungo Gologosa.

Omusharaba, omu musharaba,

Ekitiinisa kyangye kibemu (ka twimutsye emikono yaitu) obutoosha; Okuhitsya obu amagara gangye agaijwire okushemererwa garitunga Oburuuhukiro seeri y'omugyera.

[Ow'eishe-emwe Branham hati yaagamba n'abeeshongozi -Omur.] "Nimpurira Omujuni wangye naayeta."

109 Gorora omukono gwawe kandi ogire omuntu ou waakwata omu ngaro, reero ogire oti, "Ruhanga akuhe omugisha, Mukristaayo 'we."

[Ow'eishe-emwe Branham yaagaruka yaagamba n'abeeshongozi -Omur.] "Nimpurira Omujuni wangye naayeta."

Nimwehuriramu Okubaho Kwe? [Abateeraine baagira bati, "Amiina." -Omur.]

Aheeru okwo abahurikiize aha masimu, buri omwe akwate mugyenzi we omu ngaro ebiso okwo, reero agire ati, "Ruhanga akuhe omugisha, Mukristaayo 'we."

110 Nimumanya, hariho ekiyanja ky'amaizi enyima hanu. Naatwara abantu abajwaire Eiziina Rye. Ku oraabe otakabatiziibwe omu Iziina rya Yesu Kristo ahabw'okusaasirwa ebibi byawe, hariho ekiyanja, hariho ebijwaro, hariho omuntu oyemereire ayeteekateekire. Nootangirirwa, ku oraayakiire omu mazima Yesu nk'Omujuni waawe kandi okaikiriza ngu aga n'Amazima.

Mwijukye, tihakabahoga omuntu omuri Baiburi, nari obwire bwona ekanisa Enkatoriki etakabaire ekigombe ky'ediini, owaabatiziibwe omu muringo ogundi gwona atari omu Iziina rya Yesu Kristo. Tihariho omwanya gwona omu Byahandiikirwe, nari omu byafaayo, ahu omuntu weena arabatiziibwe, kutaaha omu Kanisa ya Ruhanga ohuriire, omu iziina ry'ebysterero ebya "Ishebona, Omwana, Omwoyo Orikwera." N'ekigunjano ky'Abakatoriki, kandi teri nyegyesa ya Baiburi.

111 Omusaseredooti ku yaabaire nambuuza, ekyo nkakimubuuza. Yaagira ati, "Ago n'amazima. Kwonka itwe turi ekanisa; nitubaasa kuhindura kyona eki turikwenda kuhindura. Obushoboorozi buri omu kanisa. Ruhanga ari omu kanisa Ye.

Naagira nti, "Ruhanga ari omu Kigambo Kye. Kandi ekanisa ku eraabe . . ." Naagira nti, "Ruhanga niwe Ekigambo. Kandi ekanisa ku eraabe neehakanisa Ekigambo, obwo tindikwikiriza ekanisa."

Nindeka buri kigambo kyona ky'omuntu kuba ekishuba, n'obu yaakuba ari omusaseredooti, paapa, ou yaakuba ari weena, kwonka Ekigambo kya Ruhanga kibe amazima.

Kandi Paulo akaragiira buri muntu weena, n'obu yaakuba yaabaire abatiziibwe ata, ku araabe yaabaire atabatiziibwe omu Iziina rya Yesu Kristo, kwija akabatizibwa ogundi murundi.

Kandi ahanyima ya bamwe kutunga Omwoyo Orikwera, Petero akagira ati, "abantu aba nitubaasa kubaima amaizi, kandi turikureeba ku baaheebwa Omwoyo Orikwera?" Ebyakozirwe 10:49, "nitureeba abantu aba baaheebwa Omwoyo Orikwera nkaitwe oku twamuhairwe omu kutandika?" Kandi yaabaragiira ati, "Mutakarugire hanu, n'obu muraabe mwaheebwa Omwoyo Orikwera, mwije reero mubatizibwe omu Iziina rya Yesu Kristo."

Ahakuba, Petero akaheebwa ekishumuruzo ky'okutaaha omu Bukama, naagira ati, "Eki oriboha omu nsi kyona, Ndyakiboha omu Iguru." Kandi ekishumuruzo kikora ki? Kiigura ekintu nanka, enaama.

112 Kandi Yesu ku yaagizire ati, "Mugyende, mubabatize omu Iziina rya Isheboona, Omwana, Omwoyo Orikwera," ekyo yaakita aho kuhumya abatarikwikiriza.

Reeba! Ahabw'enki Petero atarahikiriize ekyo, ekigambo aha kindi? Akaba naateekwa kukikora.

Omuntu ku arikuba abatiziibwe omu byeterero, "Isheboona, Omwana, Omwoyo Orikwera," naaba atakabatizibwahoga na kakye; naaba ataine Eiziina. Isheboona t'eiziina, Omwana t'eiziina, n'Omwoyo Orikwera t'eiziina. Omwoyo Orikwera n'eki Ari; nk'oku, ndi omuntu. N'Omwoyo Orikwera.

Isheboona n'ekyeterero; ndi ishe. Omwana n'ekyeterero; ndi omwana. Omuntu n'ekyeterero; ekyo nikyo ndi. Kwonka eiziina ryangye ni William Branham.

Kandi Eiziina rya Isheboona, Omwana, Omwoyo Orikwera n'Eiziina rya "Yesu Kristo." Yesu akagira ati, "Nyizire omu Iziina rya Tata." Eiziina rya Ishe ni riiha? Omwana weena aija omu iziina rya ishe. Kandi Eiziina rya Ishe ni Yesu Kristo. Mwareeba? Mwareeba eki ndikumanyisa?

113 Ku naakukugambira nti oshuume ondeetere ekintu nanka okuruga omu duuka eifo hanu, omu iziina rya meeya w'orurembo oru. Ni bangahi abarikumanya eiziina rya meeya w'orurembo oru? Munywani wangye omurungi, Rich Vissing. Kare, tokaashuumayo kandi okagira oti "omu iziina rya meeya w'orurembo." Noogira oti, "Omu iziina rya Richard Vissing." Imwe bantu 'mwe ab'omuri Jeffersonville hanu nimumumanya.

Kandi egoyi niyo nshonga eyaatumire yaagira ati Isheboona, Omwana, n'Omwoyo Orikwera. Omuriwe harimu Obwaruhanga, Obwaruhanga bwona obureeberwa omu mubiri gwe. Akagira ati, "Mubabatize omu Iziina rya Isheboona, Omwana, Omwoyo Orikwera."

Petero ayemereire aho aine okwo kushuuuruurirwa oku Yaayombekireho Ekanisa, okw'Eki Yaabaire ari, akagira ati, "Mweteise, mwena, mubatizibwe omu Iziina rya Yesu Kristo." Kandi tara . . . Ebishumuruzo bikeehindura omu Iguru hamwe n'omu nsi. "Tihariho erindi Iziina ahansi y'Eiguru eryahairwe abantu erishemereire kukujuna."

114 Ahabw'enki nimubatiza omu Iziina rya Yesu Kristo? Ahabw'okusaasirwa ebibi. "Boona abu murisaasira ebibi, baryabisaasirwa." Mwareeba? Kwonka ku oraabe otarikuteekateeka ngu ashemereire kandi ahikire kubatizibwa, otamubatiza. Ahakuba, waakikora, ekyo nikikora, mwareeba. Mwayetegyereza eki ndikumanyisa?

Nimpurira Omuju- . . . wangye (Ekigambo) naayeta, (naayetera eifo okwo aha kituuro)

Nimpu . . . ("T'ofa Naanye, kugira ngu obaase kuzooka Naanye?") . . . juni naayeta,

Nimpurira Omujuni wangye naayeta, (ensi neeza kugamba ki?)

"Yekorere omusharaba gwawe, kandi onkuratire, onkuratire . . ."

Hati, ku oraabe otabaire:

Ahu Aranyebembere (Niwe Kigambo) ndya . . . (ekiyanja kiriho)

Ahu Aranyebembere niinyija Kumukuratira,

Ahu Aranyebembere niinyija Kumukuratira,

Niinyija kugyenda Nawe, Nawe orugyendo rwona.

Ka twinikye emitwe yaitu.

115 Ruhanga Omukundwa, ekiyanja kitebeekanisiibwe. Hati gamba n'emitima, Mukama. Nkaabaasibwa ki bahurira Kristo, Ekigambo, naabeeta, reero bakagyenda Nawe orugyendo rwona.

Niinyija kugyenda Nawe omu musiri. Niinyija kugyenda Nawe omu kiyanja. Niinyija kwetererwa Eiziina Rye. Niinyenda kuba omwe aha bantu abu Arikweta ahabw'Eiziina Rye. Niinyija kwikiriza Ekigambo Kye. Niinyija kukuratira. Tindikwija kuzaanazaana n'ensi na kakye. Niinyija kuba Omugore ogambirwe obugyenzi, ow'amazima. Tindikwija kutsigaho n'obu yaakuba enyuguta n'emwe y'Ekigambo Kye. Eki arangambire kukora kyona, niinyija kuba Omugore omwesigwa, w'amazima. Ekintu kyona eki Arangambire kukora, ekyo nikyo ndikwija kukora.

"Ibanyi orikwija ku araabe naayenda ngu ndekye eishokye ryangye rikure, niinyija kukikora. Ku Araabe

naayenda ngu nyiheho erangi egi yoona ei nyesiigire, niinyija kukikora. Ku Araabe naayenda . . . Yangambira ngu n'omwoyo mubi, omubi ogu ndikuzaanazaana nagwo, n'ebijwaro ebi ebirikureebeka nk'eb'y'obwamaraaya; niinyija kukikora, niinyija kubiihamu. Tindikufayo eki ondijo omuntu weena arikugamba, niinyija kubiihamu.

“Yaayenda ngu ndugye omu kibiina ekyo eki ndimu, ky'abatarikwikiriza, niinyija kukikora; n'obu naakuba niinyeriisa, nari eki kiri kyona. Akaraganisa ngu Tarintsigaho kandi tarimpemukaho na kakye. Niinyija-niinyija kukikora. Niinyija kugyenda Nawe orugyendo rwona. Yaayenda ngu mbatizibwe omu Iziina Rye, niinyija kukikora.”

Mukama, okakiraganisa omu Kigambo Kyawe hanu, ekyo nikyo Waakunzire. Ninshaba ngu buri muntu akireebe, Mukama, reero omu burungi, n'okwebundaaza Akiikirize. Omu Iziina rya Yesu naashaba. Amiina.

116 Muri aba Ruhanga. Nkaabaasibwa ki Ruhanga atwara ebigambo ebi bikye ebyagambwa kandi abihindura ebihuriire ahariimwe, nikwo kushaba kwangye kw'amazima.

Ekiyanja nikiza kuba kyatebeekanisiibwe. Omuntu weena orikwenda kwija, ba . . . Omuheereza ekyo naaza kukiranga ahanyima y'akaire kakye. Omuntu weena oyeteisize kandi orikwenda kubatizibwa, naakozesa Eiziina rya Yesu Kristo, iwe mara agaija omu maisho. Buri kimwe kyatebeekanisiibwe. “Ebantu byona byatebeekanisiibwe.” Buri kintu eki turikubaasa kukora kukuhwera kubaho ahabwa Ruhanga, turi hanu kukikora. Ruhanga abahe omugisha.

Hati reka twemerere. Hati akeeshongoro kaitu, ngu Nimmukunda. “Nimmukunda ahabw'okuba Akabanza kunkunda.” Reka tukeeshongore, buri omwe hati.

Nimmukunda, . . .

Reka twimutsye emikono yaitu twaba nitukyeshongora.

. . . Nimmukunda

Ahabw'okuba akabanza kunkunda

Kandi yaagura okujunwa kwangye

Aha Musharaba Gologosa.

Twinikire emitwe n'emitima yaitu hati, reka Tukimweshongorere tubumbire eminwa. [Ow'eishe-emwe Branham yaatandika kweshongora abumbire eminwa Nimmukunda -Omur.]

Nimmukunda.

[Ow'eishe-emwe Branham yaagumizamu naayeshongora abumbire eminwa Nimmukunda-Omur.]

Ai Ruhanga, Tataitwe, tugirire embabazi itwe ebihangirwe by'enaku, Mukama. Tuhe amaani ahabw'omurimo oguri omu maisho. Mpwera, Ai Ruhanga, mpwera! Niinyehuriramu ngu ekintu nanka kiri hanu hanu, Taata. Mpwera, Ai Ruhanga, kumanya Amazima. H'omugisha abantu aba, Ruhanga omukundwa. Beebembere, ninshaba, omu Iziina rya Yesu.

Hati obwo twinikire emitwe yaitu, naaza kushaba omuriisa hanu, Ow'eishe-emwe Neville, ow'eishe-emwe mugyenzi waitu omukundwa, kwija hanu hati reero agambe ebi arikwenda kugamba, ebikwatiraine n'o . . . n'okubatiza. Ekyo nimbaasa kukiranga. Nintekateeka ngu ekiyanja kigwire, n'obu kiraabe.



www.messagehub.info

Obutumwa obu bukabuuirirwa
William Marion Branham
“... omu biro by'eiraka ...” Kush 10:7